



Uniaun Europeia  
Misaun Peritu Eleitorál

# TIMOR LESTE 2023

Relatóriu Finál



Eleisaun Parlamentár

21 Maiu 2023



**Repúblika Demokrátika Timor-Leste**

**RELATÓRIU FINÁL**

**ELEISAUN PARLAMENTÁR**  
**21 Maiu 2023**

**MISAUN PERITU ELEITORÁL**  
**UNIAUN EUROPEIA**

---

*UE nia Misaun Observasaun Eleitorál sira hanesan misaun independente husi Uniaun Europeia nia instituisaun. Vizaun no opiniaun ne'ebé fó sai iha relatóriu ida-ne'e mak autór nia no la reflete loloos política ofisiál no pozisaun Uniaun Europeia nian.*

## INDÍSE

<b>AKRÓNIMU .....</b>	<b>4</b>
I. SUMÁRIU EZEKUTIVU .....	1
II. INTRODUSAUN.....	2
III. IMPLEMENTASAUN HUSI REKOMENDASAUN ULUK HUSI UE.....	3
IV. KONTESTU POLÍTIKU .....	4
V. KUADRU LEGÁL .....	5
A. Prinsipiу no Kompromisu Universal no Rejonál .....	5
B. Direitus Umanus Konstitutionais.....	6
C. Lejislasaun Elietorál Nasionál .....	6
D. Sistema Eleitorál.....	7
VI. ADMINISTRASAUN ELEITORÁL .....	7
A. Estrutura no Kompozisaun.....	7
B. Administrsaun husi Eleisaun.....	8
VII. REJISTU ELEITÓR.....	9
A. Direitu atu vota .....	9
B. Rejistru Eleitór .....	9
VIII. REJISTU HUSI PARTIDU POLITIKU NO KANDIDATU SIRA.....	10
A. Enkuadramentu Legál .....	10
B. Admisaun husi koligasaun no kandidatura.....	10
C. Publikasaun husi lista husi Kandidatu sira.....	11
IX. KAMPAÑA ELEITORÁL NO AMBIENTE PRÉ-ELEITORÁL .....	11
A. Kampaña Eleitorál .....	11
B. Finansiamentu husi Kampaña .....	12
X. OBSERVASAUN ELEITORÁL HUSI SIDADAUN SIRA NO INTERNASIÓNÁL .....	13
XI. MEDIA NO ELEISAUN SIRA.....	14
A. Enkuadramentu Legál .....	14
B. Ambiente Media.....	14
C. Konteúdu Online ne'ebé relasiona ho Eleisaun .....	15
XII. PARTISIPASAUN HUSI FETO .....	17
XIII. PARTISIPASAUN HUSI EMA HO DEFISIÉNSIA .....	18
XIV. JUSTISA ELEITORÁL .....	18
XV. VOTASAUN, KONTAJEN, NO TABULASAUN HUSI REZULTADU SIRA .....	19
A. Votasaun.....	19
B. Kontajen.....	20
C. Tabulasaun husi Rezultadu sira.....	20

XVI. REZULTADU NO AMBIENTE PÓS ELEITORÁL.....	20
XVII. REKOMENDASAUN SIRA (REKOMENDASAUN PRIORITÁRIA IHA BOLD).....	22
XVIII. ANEKSU A – REZULTADU FINÁL ELEISAUN .....	34

## **AKRÓNIMU**

AJTL – Asosiasaun Jornalista Timor-Leste

ANFREL – Asian Network for Free Elections (Rede Aziáтика husi Eleisaun Livre)

CEDAW – Convention on the Elimination of all Forms of Discrimination against Women  
(Konvensaun Eliminasaun Forma hotu husi Diskriminasaun Hasoru Feto)

CERD – Convention on the Elimination of all Forms of Racial Discrimination (Konvensaun husi Eliminasaun Forma hotu husi Diskriminasaun Rasiál)

CASDT - *Centro Acção Social Democrata Timorense*

CNE – Komisaun Nasional Eleisaun

CNRT – *Congresso Nacional de Reconstrução de Timor*

CRPD – Konvensaun kona ba Direitu husi Ema ho Defisiénsia

MPE – Misaun Peritu Eleitorál

EMB – Órgaun Jestaun Eleitorál

MOE – Misaun Observasaun Eleitorál

UE – Uniaun Europeia

EUR – Euros

FM – *Frenti-Mudança*

FONGTIL – *Forum das Organizações Não Governamentais*

FRETILIN – *Frente Revolucionária de Timor-Leste Independente*

GMN – *Grupo Media Nacional*

ICCPR – International Covenant on Civil and Political Rights (Paktu Internasional kona ba Direitu Sivil no Polítiku sira)

ICESC – International Covenant on Economic, Social and Cultural Rights (Paktu Internasional kona ba Direitu Ekonómiku Sosiál no Kulturál sira)

IFES – International Foundation for Electoral Systems (Fundasaun Internasional ba Sistema Eleitorál)

International IDEA – International Institute for Elections and Democracy Assistance (Institutu Internasional ba Eleisaun no Asisténsia Demokrática)

KHUNTO – *Partidu Kmanek Haburas Unidade Nasional Timor Oan*

MAE - Ministériu Administrasaun Estatál

OCV – Votasaun iha Rai Liur

OIPAS – *Observatório da Igreja para os Assuntos Sociais*

PD – *Partido Democrático*

PDHJ – *Provedoria dos Direitos Humanos e Justiça*

PLP – *Partido Libertação Popular*

PNTL – *Polícia Nacional Timor-Leste*

PTTL – *Partido Trabalhista Timor-Leste*

PUDD – *Partido Unidade Desenvolvimento Democrático*

PVT – *Partido Os Verdes de Timor*

RAEOA – Rejiaun Administrativa Espesial husi Oecuse-Ambeno

RENETIL – *Resistência Nacional dos Estudantes de Timor-Leste*

RHTO – *Pa'es Hadomi Timor Oan*

RTTL – *Rádio-Televisão Timor-Leste*

ROJAE /CPLP – *Network of Jurisdictional Bodies and Electoral Administration of Portuguese-Speaking Countries*

SECOM – Sekretariu Estadu Komunikasaun Sosiál

STAE – Sekretariadu Tékniku Administrasaun Eleitorál

UNCAC – Konvensaun Nasoins Unidas Kontra Korrupsaun

UNHCR – Konsellu Direitus Umanus husi Nasoins Unidas

UDT – *União Democrática Timorense*

PNUD – Programa Dezenvolvimentu Nasoins Unidas

USD – Dólar Amerikanu

## Sumáriu Ezekutivu

Iha eleisaun parlamentár 2023 nian, timoroan sira deside se mak serve nu'udar membru ida husi membru 65 iha Parlamentu Nasionál ne'ebé sei hala'o sira-nia knaar ba tinan lima oin mai. Iha ambiente político ida-ne'ebé competitivu maibé pasifiku, prosesu eleitorál ne'e jeralmente kredivel no transparente, no konklui ho susesu iha desizaun desizivu husi votante timoroan sira. Ida ne'e hanesan eleisaun lejizlativa dalimak dezde independénsia Timor-Leste nian iha tinan 2002. Iha eleitór 890,145 ne'ebé rejistru ba eleisaun lejislativa ne'e, inklui votasaun husi rai-li'ur.

Eleisaun sira-ne'e hala'o iha ambiente divididu ida-ne'ebé hatudu tensaun naruk entre partidu boot rua no rivál político sira - *Frente Revolucionária de Timor-Leste Independente* (FRETILIN) ne'ebé lidera husi Mari Alkatiri no *Congresso Nacional de Reconstrução de Timor* (CNRT) ne'ebé lidera husi Xanana Gusmão. Partidu político hamutuk sanulu-resin-hitu kompete iha eleisaun ne'e. Kompetisaun ne'e remata ho votante sira ne'ebé rejeita governasaun husi koligasaun ne'ebé lidera husi FRETILIN no hili fila fali ba funu-na'in rezisténsia Xanana Gusmão atu lidera governu tuir mai. Rezultadu hirakne'e fó kadeira 31 ba CNRT ne'ebé besik liu kadeira 33 ne'ebé presiza ba maioria absoluta. *Partidu Demokrátiku* (PD), ho kadeira 6, sei hamutuk ho CNRT atu governa nasaun ne'e.

Enkuadramentu legál fó base ba eleisaun demokrátiku, competitivu no kredivel, no respeita liberdade fundamental sira. Maske nune'e, enkuadramentu ne'e fahe ba lei oin-oin ne'ebé la organiza ho koerensia, parte balun tanba halo alterasaun no regulamentu *ad hoc* sira ne'ebé akontese antes eleisaun ida-idak no la halo revizaun sistemática ba lei sira-ne'e. Ida-ne'e hamosu ambiguidade sira inklui kona ba ámbitu husi Komisaun Nasionál Eleisaun (CNE) nian responsabilidade atu tau matan ba rejistru votante, finansimentu político no media.

Parte interesada sira hatudu konfiansa ba profisionalizmu, esperiénsia, efisiénsia no independénsia órgaun jestaun eleisaun nian. *Secretariado Técnico de Administração Eleitoral* (STAE) asegura faze ida-idak ne'ebé adekuadu no atempadu iha prosesu eleitorál, no parte interesada prinsipál sira kontente ho supervizaun CNE nian ba votasaun. Publikasaun husi STAE ba formuláriu rezultadu husi sentru votasaun hotu-hotu iha website sentralizadu ida, no publikasaun husi deliberasaun plenária CNE hotu-hotu sei tuir práтика internasional ne'ebé di'ak no sei fó tan transparénsia ba prosesu ne'e.

Kampaña ne'e hatudu kompetisaun ne'ebé loos entre partisipante xave sira, iha ne'ebé ema respeita didi'ak liberdade espresaun, asembleia no asosiasaun. Iha jerál, iha ambiente ne'ebé dame, no iha de'it problema ki'ikoan balu entre apoiante sira. Ho objetivu atu promove edukasaun, empregu no oportunidade ba foin-sa'e sira, CNRT propoin atu rezolve kestaun sosiál sira liu husi dezenvolvimentu setór privadu, enkuantu FRETILIN promove nia esperiénsia kona-ba governasaun nasaun nian.

Enkuadramentu legál ba finansimentu kampaña sei falta transparénsia, ho lakuna iha lejislasaun kona-ba doasaun. Pagamentu subsídu kampaña nian husi governu hafoin eleisaun la iha serteza, tanba natureza arbitráriu husi prosedimentu ida-ne'e.

Timor-Leste iha media oin-oin ne'ebé permite política no programa editorál oin-oin. Konsellu Imprensa hala'o papél apoiu, envolve jornalista sira iha iniciativa formasaun, no monitorizasaun durante período kampaña kona ba violasaun ba kódigu étika konduta ba jornalista sira. Iha kobertura loroloron kona-ba atividade kampaña iha televizaun pública durante oras xave, hodi fornese vizaun jerál kona-ba proposta política oioin. Maske iha prezensa maka'as husi media sira, interlokutór sira husi Misaun Peritu Eleitorál Uniaun Europeia nian (MPE UE) fahe sira-nia hanoin katak kontribuisaun média nian falta diversidade konteúdo no análise signifikativu.

Laiha koligasaun no partidu político sanulu-resin-hitu mak hetan aprovasaun atu kompete iha eleisaun ne'e. Tribunál Rekursu rejeita submisaun koligasaun tolu nian, hodi hanoin katak partidu

polítiku ida iha koligasaun ida-idak la partisipa iha eleisaun iha tinan lima liubá ka la aprova didi'ak nia partisipasaun iha koligasaun. Tribunál mós rejeita lista kandidatu rua ne'ebé apresenta husi parte hanesan - *Frenti Mudança* - tanba enkuadramentu legál la permite parte ida atu apresenta lista liu ida. Partidu sira hetan lisensa to'o loron 21 molok loron eleisaun atu halo substituisaun no finaliza sira-nia lista, maibé la iha rekizitu legál ba lista finál atu publika lista finál hafoin períodu substituisaun ne'e remata.

Memburu rua husi MPE UE la hetan mandatu atu halo observasaun sistemátiku ba atividade loron eleisaun nian, maibé vizita sentru votasaun balun iha Dili no sentru tabulasaun sira iha Dili no Gleno. Iha loron eleisaun iha número votante sira ne'ebé aas no akontese iha ambiente ne'ebé kalma no organizadu, ho insidente ki'ik de'it. Prosesu votasaun no kontajen hala'o ho profisionál, no metade husi ofisiál votasaun sira mak feto no barak mak joven. Tabulasaun ba rezultadu sira-ne'e implementa di'ak ho rezultadu sira ne'ebé fahe ba públiku durante prosesu. Prezensa ajente no observadór partidu barak mak hanesan medida transparénsia pozitivu ida. Enkuadramentu legál prevee katak rezultadu sira publika iha sentru votasaun no tabulasaun nia li'ur, ho ajente partidu sira simu kópia ida.

Rezultadu ofisiál eleisaun hatudu katak Xanana Gusmão nia CNRT sai nu'udar manán-na'in ne'ebé klaru, mai husi maioria absoluta. CNRT hetan votu 288,289 (41.63 porsentu) ne'ebé tradús ba kadeira 31. Daruak mak FRETILIN ho votu 37,338 (25.75 porsentu) no kadeira 19, tuir mai PD, KHUNTO no PLP, hetan 64,517 (9.32 porsentu, kaldeira), 52,031 (7.51 porsentu, kaldeira), no 40,720 (5.88 porsentu, kadeira 4), respetivamente. Partidu político 12 sira seluk iha limitasaun porsentu haat atu asesu ba kadeira parlamentu nia okos. Nune'e, parlamentu foun sei iha bankada partidu lima envezde bankada ualu uluk nian. Nivel partisipasaun besik to'o porsentu 80.

EEM EU identifika defisiénsia sira ne'ebé merese atensaun atu hadi'a prosesu eleitorál sira iha futuru iha Timor-Leste. Rekomendasau prioritária sira tuir mai ne'e oferece ba Parlamentu Nasional, Governu, CNE no STAE atu konsidera no halo asaun. Tabela detalladu kona-ba rekomendasau sira bele hetan iha kapítulu finál relatóriu ida-ne'e nian.

1. *Konsolida lejislasaun eleitorál hotu-hotu ba iha Kódigu Eleitorál ida-ne'ebé konsistente no unifikasiado, ho akompanha regulamentu eleitorál sira, disponivel iha lian Portugés no Tetun.*
2. *Halo reforma legál, inklui introdusaun regulamentu, sedu iha siklu eleitorál atu fó tempu ba parte interesadu sira atu komprende no prepara ba regra foun sira.*
3. *Konsulta ho CNE ho maneira ne'ebé konsistente no sistemátiku bainhira prepara kuadru reguladór eleisaun nian.*
4. *Haforsa fiskalizasaun finansiamantu kampaña nian liu husi fó kompeténsia klaru ba CNE iha área ida-ne'e no fó kbiit ba órgaun ne'e atu hala'o papél ida-ne'ebé asertivu no proativu liu.*
5. *Halo revizaun ba regra finansiamantu kampaña nian no rekizitu relatóriu nian hodi hametin igualdade, transparénsia no responsabilizasaun iha prosesu eleitorál sira.*

## Introdusaun

Tuir konvite Governu Timor-Leste no Komisaun Nasional Eleisaun (CNE), Uniaun Europeia hala'o Misaun Peritu Eleitorál (MPE UE) atu halo observasaun ba eleisaun parlamentár 2023, Mandatu husi

MPE UE nian mak atu avalia prosesu eleitorál ne'ebé hala'o tuir lejislasaun nasional no kompromisu internasional ba eleisaun demokrátiku. Misaun ne'e kompostu husi peritu eleitorál na'in rua ne'ebé to'o iha Dili iha loron 19 Abril no sei nafatin iha NASAUN ne'e to'o publikasaun husi rezultadu eleitorál. UE observa eleisaun Timor-Leste nian iha 2002, 2007, 2012, 2017, 2022 no haruka Misaun peritu Eleitorál nian iha 2018. Iha okaziaun hotu-hotu, konfirma kondisaun ba observasaun ne'ebé efetivu no kredivel.

Relatório ida-ne'e apresenta avaliasaun detalladu ida kona-ba rezultadu misaun nian kona-ba faze oin-oin iha prosesu eleitorál nian, no inklui rekomendasau lubuk ida, ne'ebé ho objetivu atu kontribui ba hadi'a prosesu eleitorál sira iha futuru. MPE sira independente iha sira-nia rezultadu no konklusaun.

### **Implementasaun husi rekomendasau uluk husi UE**

*Rekomendasau sira ne'ebé maioria husi MOE UE iha tinan 2022 la implementa, maibé rekomendasau prinsipál sira ne'ebé sei nafatin, inklui nesesidade atu konsolida lejislasaun eleitorál ba Kódigu Eleitorál Unidu ida.*

MOE UE tinan 2022 ba eleisaun prezidensiál fó rekomendasau atu hadi'a eleisaun iha futuru. Atu hetan rekomendasau sira ne'e, misaun tinan 2022 konsidera situasaun husi implementasaun husi rekomendasau sira ne'ebé mak halo husi MOE UE 2017 ba eleisaun prezidensiál no parlamentár no MPE UE 2018 ba eleisaun parlamentár antespada.

MOE UE tinan 2022 ba eleisaun prezidensiál oferece rekomendasau 16. Rekomendasau ida rekere mudansa lejizlativa no implementa ho susesu husi STAE iha período interinu badak molok votasaun lejizlativa 2023 nian. Rekomendasau ida-ne'e relaciona ho atu hakbesik liután eleitor sira liu hosi estabelese sentru votasaun iha aldeia hotu-hotu. Númeru estasaun no sentru votasaun nian sa'e maizumenus porsentu 23 dezde votasaun tinan 2022 nian, ba 1,850 no 1,472 respetivamente.

Rekomendasau rua husi tinan 2022 aplika de'it ba Lei No. 15/2021 kona-ba Eleisaun Prezidensiál no la'ós ba Lei No. 9/2017 kona-ba Eleisaun ba Parlamentu Nasional. Rekomendasau rua ne'e sei relevante no adekuadu ba eleisaun prezidensiál. Rekomendasau ida mak relaciona ho simplifikasiadaun ba prosesu rejistru votu paralelu. Enkuantu Lei Eleisaun ba Parlamentu Nasional la prevee ba votasaun ida ne'e, lei 2023 atu altera lei ne'e aumenta possibilidade ba votasaun paralelu no mós simplifica prosesu ne'ebé STAE sei administra diretamente sein instituisaun intermediáriu. Rekomendasau daruak ne'ebé husu atu hasai proibisaun legál kona-ba direitu ba votu no atu hamriik ba ema ho defisiénsia intelektuál sira. Proibisaun ne'e revoga iha alterasaun Lei Eleisaun 2017 ba Parlamentu Nasional.

Iha tinan 2023 MPE UE halo validasaun ba rekomendasau 13 seluk. Rekomendasau xave sira ne'ebé oferece husi MOE UE tinan 2022 sei iha nafatin no inklui nesesidade atu konsolida lejislasaun eleitorál hotu-hotu ba Kódigu Eleitorál ida-ne'ebé konsistente no unifikasiadu; atu hala'o reforma legál sedu iha siklu eleitorál; atu konsulta CNE bainhira prepara kuadru reguladora; atu hametin supervizaun finansas kampaña nian hodi fó ba CNE kompeténsia klaru iha área ida-ne'e; no atu halo revizaun ba regra finansas kampaña nian. Durante misaun ne'e, ko'alia-na'in barak fó-hatene ba MPE UE katak agora iha vontade política atu halo reforma eleitorál ba Kódigu Eleitorál ida-ne'ebé unifikasiadu.

La iha alterasaun legál signifikativu entre eleisaun prezidensiál 2022 no eleisaun lejizlativa 2023 nian, maske iha tentativa atu altera Lei Eleisaun ba Parlamentu Nasional hafoin markasaun eleisaun no durante período kampaña ofisiál, no ikus mai lei ne'e hetan vetu husi Presidente. Períodu ideál atu hala'o reforma eleitorál mak entre eleisaun munisípiu nian ne'ebé planeia ona iha inísiu tinan 2024 no

votasaun prezidensiál tinan 2027 nian. Períodu ida-ne'e suficiente atu permite konsensu político no atu halo alterasaun ba kuadru legál eleitorál iha períodu ideál husi fulan neen to'o sanulu-resin-rua molok prosesu eleitorál hahú.

Rekomendasaun sira ne'ebé oferece iha relatório ida-ne'e, aleinde rekomendasaun sira ne'ebé halo ona husi UE uluk no misaun observasaun internasional no nasional sira seluk, bele kontribui ba debate ho parte interesada sira. Rede Órgaun Jurisdisional no Administrasaun Eleitorál husi País sira ne'ebé ko'alia Portugés (ROJAE-CPLP), ho asesór sira husi CNE Portugál nian, bele mós sai hanesan fonte apoiu ne'ebé folin-boot. Komisaun ba Reforma Eleitorál no Konstitusionál iha Parlamentu Nasional, ho kontribuisaun husi Ministériu Administrasaun Estatál, órgaun jestau eleitorál no sosiedade sivil, nu'udar fatin político multi-partidu nian atu diskute no avansa reforma eleitorál ne'ebé signifikativu ne'ebé parte interesada hotu-hotu fahe.

## Kontestu Polítiku

### *Eleisaun pasifika ne'ebé hala'o maske rivalidade política tempu naruk.*

Iha loron 21 Maiu 2023, Timor-Leste hala'o eleisaun lejizlativa dalimak dezde independénsia. Partidu político na'in sanulu resin hitu kompete ba fatin 65<sup>1</sup> iha Parlamentu Nasional. Eleisaun sira-ne'e hala'o iha ambiente político ida-ne'ebé ho tensaun tempu naruk entre partidu boot rua no rival político prinsipál sira - *Frente Revolucionária de Timor-Leste Independente* (FRETILIN) ne'ebé lidera husi Mari Alkatiri ho forte iha parte leste nasaun nian no *Congresso Nacional de Reconstrução de Timor* (CNRT) ne'ebé lidera husi Xanana Gusmão ho forte iha parte oeste. Nivel konfiansa ne'ebé aas husi parte interesada sira iha autoridade eleitorál no judisiáriu reforsa kredibilidade iha prosesu eleitorál<sup>2</sup>.

Hafoin eleisaun lejizlativa 2018 nian, koligasaun ida husi CNRT, *Partido Libertação Popular* (PLP), no *Partidu Kmanek Haburas Unidade Nasional Timor Oan* (KHUNTO) manán maioria. Presidente lakohi simu Primeiru-Ministru Taur Matan Ruak nia nomeasaun husi ministru CNRT hitu no Ministro KHUNTO rua. CNRT vota kontra orsamentu estadu nian ne'ebé propoin husi governu ne'ebé nia partisipa iha inísiu 2020. Hafoin negosiasaun maka'as, iha Abril 2020 governu foun ida forma husi FRETILIN, PLP no KHUNTO, ho FRETILIN troka CNRT nu'udar partidu boot liu. Hanesan iha eleisaun lejizlativa sira uluk nian, formasun foun ne'e hatudu katak partidu ki'ik sira mak relevante iha política Timor nian atu determina manán na'in.

Konkorrente sira ne'ebé lidera iha votasaun tinan 2023 inklui forsa política prinsipál ho reprezentasaun parlamentár - FRETILIN, CNRT, PLP, KHUNTO, PD, UDT, no PUDD. Kandidatu sira seluk inklui partidu balun ne'ebé tuir eleisaun 2018 maibé la manán kadeira ida, no partidu foun ne'ebé rejistru ona *Partido Os Verdes de Timor* (PVT). Maske la iha koligasaun formál ba pre-eleisaun, forsa política ne'ebé kompostu husi governu atuál (FRETILIN, KHUNTO, PLP) publika intensaun atu aliña dala ida tan se rezultadu eleitorál sira permite. Partidu na'in 17 hotu kumpre rekizitu atu tau fetu ida ba kada pozisaun tolu, maibé lista kandidatu KHUNTO no *Centro Ação Social Democrata*

<sup>1</sup> 1) Partido do Desenvolvimento Nacional (PDN); 2) Partido da Liberdade do Povo de Aileba (PLPA); 3) Partido da Libertação Popular (PLP); 4) Partido Democrático (PD); 5) Enriquecer a Unidade Nacional dos Filhos de Timor (KHUNTO); 6) Partido Os Verdes de Timor (PVT); 7) União Democrática Timorense (UDT); 8) Partido da Unidade Desenvolvimento Democrático (PUDD); 9) Partido Republicano (PR); 10) União Democrática Nacional da Resistência Timorense (UNDERTIM); 11) Frente Revolucionária de Timor-Leste Independente (FRETILIN); 12) Congresso Nacional de Reconstrução de Timor (CNRT); 13) Centro Ação Social Democrata Timorense (CASDT); 14) Movimento Libertação do Povo Maubere (MLPM); 15) Partido da Socialista Timor (PST); 16) Partido Democrata Cristão (PDC); 17) Associação Popular da Monarquia Timorense (APMT).

<sup>2</sup> Molok Eleisaun 2023, Fatín 65 husi Parlamentu Nasional kompoindu FRETILIN (23), PLP (8), no KHUNTO (5) ne'ebé halo governu. Iha opozisaun mak CNRT (21), PD (5), União Democrática Timorense – UDT (1), Partido Unidade Desenvolvimento Democrático – PUDD (1), no Frenti-Mudança – FM (1).

*Timorense* (CASDT) de'it mak lidera husi feto ida.

Grupu arte marsiais no rituál sira ne'ebé kontinua mosu iha arena política bele sai hanesan elementu ida-ne'ebé define política Timor nian. Ida ne'e simboliza di'ak liu husi susesu KHUNTO nian iha eleisaun 2018 ne'ebé foti kadeira lima no, kritiku balun hateten, pozisaun ministeriál xave balun ne'ebé la proporsionál ho rezultadu eleitorál partidu nian. Iha períodu interinu, PVT mosu husi grupu arte marsiais no rituál 7-7 nian. Durante períodu kampaña ne'e no iha okaziaun oin-oin, Presidente República, Jose Ramos-Horta, publikamente kritika política grupu arte marsiais no rituál sira. Iha referénsia ba KHUNTO, Presidente hateten katak bainhira nia tenke fó posse ba governu foun, nia sei konsidera partidu político sira adekuadu ka lae iha aliansa ne'ebé karik aprezenta. Ida ne'e konsidera hanesan interferénsia política hodi halakon kualkér dalan ba governu husi FRETILIN, no mós hanesan dalan atu mantein grupu arte marsiais dook husi política.

Dezakordu político ne'ebé aumenta iha tempu to'o 21 Maiu resulta menus supervizaun ba uzu la di'ak husi rekursu públiku sira durante eleisaun hirak-ne'e. Nomeasaun ba xefe foun ida husi Komisaun Anti-Korrupsaun (KAK) signifika katak maske instituisaun para-estatál ne'e sei funsiona hela, la konsege kumpré ninia mandatu atu monitoriza utilizasaun la di'ak husi rikusoin públiku no partisipasaun funcionáriu públiku sira ne'ebé la autoriza iha kampaña eleisaun. Opozisaun prinsipál la apoia nomeasaun governu nian, ne'ebé resulta Komisáriu KAK no Vise Komisáriu sira husik sira-nia postu bainhira sira-nia mandatu tinan lima remata iha fulan Abril 2023. Funcionáriu permanente KAK nian nafatin hala'o sira-nia knaar administrativu no maske la halo monitorizasaun ativu, sira nafatin bele simu no investiga keixa sira. Molok loron eleisaun, sira iha kazu hitu ne'ebé iha investigasaun laran, no karik reklamasaun sira iha substânsia sira sei refere ba Ministériu Públiku. Rezultadu ofisiál eleisaun hatudu katak votante sira rejeita ideia kona-ba governasaun kontinua husi koligasaun ne'ebé lidera husi FRETILIN Mari Alkatiri nian no hili atu halo fila fali funu-na'in rezisténsia Xanana Gusmão atu lidera governu tuir mai. Rezultadu hirak-ne'e fó ba CNRT kadeira 31, FRETILIN 19, PD 6, KHUNTO 5, no PLP 4. Nune'e, la iha partidu ida mak manán maioria absoluta. Iha possibilidade katak PD sei hamutuk ho CNRT atu governa nasaun ne'e.

## Kuadru Legál

*Maske iha inkonsisténsia no falla uitoan de'it, enkuadramentu legál eleitorál oferece garantia suficiente ba eleisaun demokrátiku.*

### A. Prinsípiu no Kompromisu Universal no Rejionál

Nu'udar membru Nasoins Unidas nian, Timor-Leste asina no ratifika ona tratadu internasional lubuk ida ba protesaun direitus umanus no garantia liberdade fundamental sira inklui Paktu Internasional ba Direitus Sivil no Polítiku (PIDSP), Paktu Internasional ba Direitu Ekonómiku, Sosiál no Kulturál (PIDESK), Konvensaun Internasional ba Eliminasaun Diskriminasaun Rasiál (KIEDR), Konvensaun Eliminasaun Forma Hotu husi Diskriminasaun Feto (CEDAW) no Konvensaun Kontra Korrupsaun (KKK)<sup>3</sup>, Dezde votasaun tinan 2022 nian, Timor-Leste ratifika ona Konvensaun Direitu Ema ho Defisiénsia (KDED).

<sup>3</sup> Timor-Leste mós asina Konvensaun Direitu Labarik nian, Konvensaun Kontra Tortura, no Konvensaun Internasional kona-ba Protesaun Direitu Traballadór no Membru sira husi sira-nia Família.

### B. Direitus Umanus Konstitusionais

Konstituisaun Repúblika Demokrátika Timor-Leste nia inkorpora direitu demokrátku fundamentál no garante la-diskriminasaun bazeia ba kór, rasa, jéneru, orijen étniku, lian, opiniaun políтика, relijiaun, edukasaun, ka kondisaun fiziku ka mentál. Provedoria Direitus Umanus no Justisa Timor-Leste nian (*Provedoria dos Direitos Humanos e Justiça – PDHJ*) mak órgaun nasional ba defeza direitus umanus fundamentais.

### C. Lejislasaun Eleitorál Nasionál

Hanesan avalia tiha ona iha misaun UE nian ba Timor-Leste, enkuadramentu legál ne'e fó baze di'ak ba eleisaun demokrátku, kompetitivu no kredivel. Einjerál, enkuadramentu legál Timor nian tuir obrigasaun internasional no permite eleisaun inkluzivu no transparente. Maske nune'e, enkuadramentu legál nafatin dispersaun, la kompletu no la konsistente.

Misaun UE nian iha pasadu identifika inkonsisténsia no falta iha kuadru legál eleitorál. Enkuadramentu ne'e habelar iha lei oin-oin ne'ebé la organiza hamutuk, balun tanba introdusaun *ad hoc* husi alterasaun ba lei no regulamentu sira antes eleisaun ida-idak no la hala'o revizaun sistemátku ba lei sira. Ezemplu kona-ba ambiguidade legál inklui ámbitu ne'ebé la hanesan husi responsabilidade fiskalizasaun ba CNE kona-ba finansas kampaña, rejistru eleitór, no monitorizasaun média, no falta klareza kona-ba espesifikasiasaun kona-ba dezeňu no símbolu votasaun prezidensiál. Lejislasaun eleitorál aprova iha lian ofisiál ida husi nasaun ne'e, portugés, maibé la tradús sistemátku ba lian Tetun.

*Rekomendasau: Konsolida lejislasaun eleitorál hotu-hotu ba Kódigu Eleitorál ida-ne'ebé konsistente no unifikasiado, ho akompaña regulamentu eleitorál sira ne'ebé disponivel iha lian Portugés no Tetun.*

Esforsu tarde atu altera lei eleitorál la konstitui práтика lejizlativa ne'ebé di'ak no risku atu kria inserteza no menus konfiansa iha kuadru jurídiku. Ho fulan tolu de'it molok eleisaun tinan 2023, Parlamentu haruka lei ba promulgasaun prezidensiál hodi altera Lei No. 9/2017 kona-ba Eleisaun Parlamentu Nasionál. Aspetu sira husi lei ne'e sei lori Lei Nu. 9/2017 tuir Lei Nu. 15/2021 kona-ba Eleisaun Prezidensiál, no votu besik liu ba eleitór sira. Alterasaun ne'e sei prevee votasaun paralelu iha Dili, ne'ebé permite votante sira ne'ebé rejistru ona iha munisípiu seluk atu rejistru votasaun iha sentru votasaun espesiál tolu iha kapítál. Nune'e mós, tuir rekomendasau UE nian iha pasadu, prosesu rejistru ne'e tenke sai simples hodi permite votante sira atu rejistru diretamente ho STAE, sein pasu intermediáriu. Alterasaun ne'e mós sei permite votante ho defisiénsia sira atu hetan asisténsia husi ema ida-ne'ebé sira hili no introdús modelu votasaun Braille. Kontroversamente liu, alterasaun ne'e sei introdús votasaun postál ba votante sira husi rai seluk. Tanba tempu badak antes votasaun, la hatene autoridade eleitorál iha kapasidade atu introdús métodu votasaun ida-ne'e.

Iha loron 14 fulan-marsu, Prezidente hato'o vetu ba alterasaun Lei No. 9/2017 kona-ba Eleisaun Parlamentu Nasionál. Semana ida liu tiha, ho deputadu na'in 61 husi 65 ne'ebé marka prezensa, Parlamentu konfirma alterasaun ne'e iha votu hamutuk 37 ne'ebé favorese, 22 kontra, no 2 abstensaun. Artigu 88 Konstituisaun rekere katak maioria parlamentár atu halakon vetu prezidensiál ba asuntu ida-ne'ebé inklui iha Artigu 95 (2), hanesan ho Lei Eleisaun, tenke aas liu maioria absoluta hosi membru hotu-hotu (33) ka maioria tersu rua hosi membru sira ne'ebé marka prezensa ba votu (41). Maske votu favoravel (37) la to'o maioria ne'ebé presiza (41), tanba ne'e rekizitu konstitusionál, Parlamentu fó fila fali ba Prezidente, ne'ebé dala ida tan veta fali lei hodi husik prazu atu aprova lei ne'e no asina lei.

*Rekomendasau: Halo reforma legál, inklui introdusaun regulamentu, sedu iha siklu eleitorál atu fó tempu ba parte interesada sira atu komprende no prepara ba regra foun sira.*

Alterasaun datoluk ba Lei Órgaun Administrasaun Eleitorál ne'ebé aprova ona iha 28 Jullu 2021 inklui rekizitu ba CNE atu hetan konsultasaun husi governu kona-ba esbosu regulamentu ba implementasaun lei eleitorál sira. Governu la halo konsultasaun kompletu ba CNE bainhira prepara regulamentu foun sira, hanesan ho esbosu dekretu governu nian ne'ebé, se lei ne'e pasa tiha ona, regula tiha ona Lei Eleisaun Parlamentu Nasional.

*Rekomendasau: Konsulta CNE ho maneira konsistente no sistemátiku bainhira prepara kuadru reguladór ba eleisaun.*

Nune'e, enkuadramentu legál eleitorál ba votasaun lejislativu tinan 2023 hanesan ho votasaun lejislativu tinan 2018. Ida ne'e kompostu husi Konstituisaun, Lei, 9/2017 kona-ba Eleisaun Parlamentu Nasional, Lei, 16/2021 kona-ba Órgaun Administrasaun Eleisaun, Lei, 2/2016 kona-ba Partidu Polítiku, Lei, 5/2014 kona-ba Komunikasaun Sosiál, no mós dekretu governu nian oin-oin no regulamentu foun sira kona-ba rejistru votante sira husi rai-li'ur no tabulasaun nasional ba rezultadu sira. Krime eleitorál hamutuk sanulu-resin-haat deskreve iha Kódigu Penal no ida iha Lei No. 9/2017 kona-ba Eleisaun Parlamentu Nasional. Ofensa eleitorál bele hetan kastigu ho pena multa ka pena prizaun ne'ebé hosi tinan ida ba tinan ualu.

#### *D. Sistema Eleitorál*

Memburu Parlamentu Nasional hamutuk 65 mak eleitu liu husi sistema reprezentasaun iha lista taka, proporsional ba períodu tinan lima. Iha limitasaun porsentu haat ba parte sira atu asesu ba alokasaun kadeira parlamentár, no uza formula D'Hondt, média ne'ebé aas liu ba alokasaun kadeira. Primeiru-Ministru, ne'ebé Prezidente nomeia tuir rekomendasau partidu ka aliansa ho maioria kadeira, mak nu'udar xefe governu. Husi tinan 2011 partidu ne'ebé kompete tenke inklui feto ida iha kada kandidatu tolu iha lista partidu, ne'ebé rezulta iha Timor-Leste iha número feto parlamentár ne'ebé aas liu iha rejiaun Azia-Pasifiku, ho membru parlamentu feto na'in 25 iha kada lejislatura.

### **Administrasaun eleitorál**

*Jestaun eleisaun profisionál ho preparasaun ne'ebé lailais no adekuadu afirma konfiansa públiku ba autoridade eleitorál sira.*

#### *A. Estrutura no Kompozisaun*

Faze oin-oin husi prosesu eleitorál ne'e administra husi instituisaun ne'ebé diferente. Komisaun Nasional Eleisaun (CNE), órgaun permanente ida-ne'ebé independente, mak responsavel ba supervizaun ba eleisaun, no garante respeitu ba prinsípiu konstitusionál no legál sira; Sekretariadu Tékniku Administrasaun Eleitorál (STAE), órgaun autónomu ida-ne'ebé superviziona husi Ministériu Administrasaun Estatál (MAE), mak responsavel ba organizasaun no implementasaun eleisaun, inklui atualizaun ba rejistru eleitorál sira no votasaun husi rai liur. Tribunál Rekursu hala'o rejistru kandidatu, deside kona-ba petisaun no rekursu eleitorál, no verifika rezultadu eleitorál finál.

Órgaun jestaun eleitorál sira iha konfiansa públiku ne'ebé luan no hala'o eleisaun ho nível neutralidade no imparsialidade ne'ebé diak. CNE konsidera nu'udar fiar-na'in no responsavel, maibé STAE konsidera nu'udar órgaun tékniku ida-ne'ebé kompetente ho kapasidade adekuadu atu hala'o eleisaun. Kuaze parte-interesada hotu-hotu ne'ebé MPE UE ko'alía, hato'o sira-nia fiar ba jestaun prosesu eleitorál. CNRT hato'o ninia fiar tomak ba CNE nia knaar fiskalizasaun, maibé akuza Ministériu

Administrasaun Estatál husi interferénsia iha prosesu eleitorál hodi obriga STAE atu kontrata militante FRETILIN iha ninia estrutura munisípiu no hanesan ofisiál votasaun. La iha prova ne'ebé submete ba alegasaun ne'e.

CNE no STAE ko'alia kona-ba preokupasaun ne'ebé partidu polítku sira hamosu durante prosesu eleitorál. Polítika 'odamatán nakloke' permite parte interesada sira atu asesu ba órgaun jestau eleitorál iha nível sentrál no munisípiu. Komisaun CNE no diretór jerál STAE nian partisipa iha programa eleitorál informativu barak ne'ebé hala'o iha transmisaun husi televizaun pública, *Rádio-Televisão Timor-Leste* (RTTL).

#### *B. Administrasaun husi Eleisaun*

Ministériu Administrasaun Estatál konfirma katak orsamentu dolar amerikanu millaun 10 suficiente atu hala'o votasaun. Lista estasaun votasaun nian no número rejistru eleitór nian, tuir suku<sup>4</sup>, publika ona iha jornál ofisiál iha prazu legál loron 30 molok loron eleisaun nian. Estasaun votasaun hamutuk 1.850 (PS), aumenta 23 porsentu kompara ho eleisaun tinan 2022, no sentru votasaun hamutuk 1,472 (PC), inklui 12 ba votasaun husi rai-li'ur. Aumentu ne'e reprezenta sentru votasaun adisionál sira iha rai-li'ur no iha fatin remotu sira atu hamenus distânsia entre komunidade no sentru votasaun.

Hafoin Tribunal Rekursu define pozisaun votasaun nian, STAE haruka imprensa nasionál atu halo imprensa ba boletín votu maizumenu 962,000. Produsaun votasaun ne'e remata iha tempu no ho medida adekuadu atu asegura seguransa ba materiál sensitivu hirak-ne'e.

Tuir kalendáriu eleitorál, iha loron 12 Maiu STAE entrega materiál eleitorál sensitivu no la sensitivu ba munisípiu 13, Rejiaun Administrativa Espesiál Oekusi-Ambeno (RAEOA), no ba embaixada no konsuladu sira iha diáspora. Molok distribuisaun finál materiál eleisaun nian ba estasaun votasaun, ofisiál STAE munisípiu sira halo verifikasiun finál ho kuidadu ba materiál sira.

STAE iha estratégia komunikasaun no kooperasaun ho autoridade, organizasaun sosiedade sívil, Provedoria, Polísia no Força Defeza atu asegura resposta lailais ba dezafiu operacionál sira. Área sira ne'ebé iha kondisaun estrada ne'ebé ladún di'ak no asesu limitadu ba sentru votasaun remota balun, liuliu iha Baucau, Manufahi, Viqueque, identifika tiha ona no asesu ba fatin hirak-ne'e hala'o husi ain ka kuda.

Estasaun no sentru votasaun ne'ebé aumenta kompara ho tinan 2022 signifika katak STAE tenke rekruta no fó formasaun ba ofisiál eleitorál hamutuk besik 10,000, metade feto. Formasaun ne'e inklui esplikasaun hakat-ba- hakat kona-ba prosedimentu votasaun no kontajen, estasaun votasaun, asesibilidade votasaun ba ema ho defisiénsia (PWD) no ferik-katuas sira, responsabilidade forsa seguransa nian, no ezersísiu votasaun. CNE implementa supervizor maizumenu na'in 2.000 iha nasaun laran tomak, porsentu 40 mak feto, ho política atu emprega foin-sa'e sira hodi monitoriza kampaña eleitorál, votasaun no kontajen, transporte materiál eleitorál, no keixa loron eleitorál.

Iha munisípiu Atauro ne'ebé foin harii, ho votante na'in 7,598 ne'ebé elijivel, STAE hatudu katak eskritóriu munisípiu operacionál ona atu hala'o eleisaun. Empregu no formasaun ba funzionáriu sira atu hala'o tabulasaun munisípiu ba dahuluk sai nu'udar prioridade ba jestau eleitorál.

Transparénsia iha prosesu foti desizaun CNE no komunikasaun público la muda husi eleisaun tinan 2022, ho nível fahe informasaun ne'ebé satisfatóriu. CNE publika deliberausaun plenária estraordinária iha jornál ofisiál, maibé la publika deliberausaun plenária baibain. Informasaun ne'e publika iha CNE nia pájina Facebook hafoin reuniaun ida-idak no fó informasaun kona-ba asuntu sira ne'ebé diskute iha reuniaun plenária.

<sup>4</sup> Suku hanesan rejiaun jeográfika husi rejistru eleitór no unidade votu ne'ebé ki'ik liu.

*Rekomendasau: Publika deliberasaun hotu kona ba prosesu eleisaun iha jornál ofisiál.*

CNE organiza debate husi kandidatu sira durante período kampaña, inklui debate pré-gravadu entre reprezentante foin-sa'e husi partidu sira (1-6 Maiu), no debate *live* entre lider seniór husi partidu sira (16-18 Maiu). Iha de'it feto ida-ne'ebé reprezenta FRETILIN, partisipa iha debate, reprezentante partidu sira seluk hotu mak mane. Nune'e mós, Rádiu Televizaun Timor-Leste (RTTL) organiza debate entre reprezentante partidu político sira ne'ebé fó tempu livre ba partidu político 17 hotu kona-ba programa Dalan ba Parlamentu - kona-ba tópiku sira hanesan edukasaun, saúde, malnutrisaun, diversifikasiakaun ekónomika no empregu.

Enkuantu eleisaun sira-ne'e kuaze organiza no implementa tomak husi autoridade eleitorál sira, iha apoiu internasional balun ba prosesu ne'e. Ho fundus husi PNUD, STAE konsege hadi'a nia infraestrutura fizika balun, inklui armazein no eskritóriu sira. PNUD mós tulun STAE atu hetan tinta ba liman botir 10,000 husi rai-li'ur. Formasaun ba formadór sira ba ofisiál eleitor sira fasilita ho asisténsia UNDP nian, ho formasaun ne'ebé foka liu ba tratamento material sensitivu sira. Hanesan ho votasaun iha tinan 2022, iha mós apoiu ba CNE kona-ba sistema tabulasaun eletrónica. Anúnsiu Pública balun (PSA) ne'ebé ba feto, foin-sa'e no ema ho defisiénsia sira prodús ho apoiu husi USAID no IFES no sai iha televizaun pública Timor-Leste nian no disemina online.

## **Rejistru Eleitor**

***Rejistru eleitor iha rai-laran no iha rai-li'ur la'o ho di'ak, no eleitor na'in 890,145 rejistru ona.***

### **A. Direitu atu vota**

Tuir Konstituisaun, rejistru eleitor ne'e obrigatóriu, ativu, individual no universal. Atu bele vota, sidadaun sira tenke to'o ona idade maioria (tinan 17) no inklui iha rejistru eleitor. Atualizasaun ba rejistru eleitor ne'e obrigatóriu molok eleisaun ida-idak. Ba eleisaun prezidensiál no lejizlativa sidadaun sira ne'ebé hela iha rai-li'ur bele rejista no vota iha embaixada no konsuladu sira. Dadur sira iha pre-julgamento no sira ne'ebé iha konvíksaun bele vota, hanesan sidadaun sira iha ospitál durante loron eleisaun. Maske lei la deskualifika sidadaun sira hosi rejistru ba votu bazeia ba defisiénsia mental, Dekretu Governu n.o. 21/2017 bandu ema sira ne'ebé "rekoñese ho notoriozu no público" hanesan moras mental hosi tama iha estasaun votasaun. Ida ne'e ko'alía liu kona-ba inkoerénsia entre kuadru reguladór no Konstituisaun no lei espesífiku kona-ba eleisaun lejizlativa. Iha ne'ebé lei superior sira garante direitu ne'ebé regulamentu ida buka atu limita.

### **B. Rejistru Eleitor**

Total eleitor na'in 890,145 mak rejistru ona atu vota iha eleisaun hirak-ne'e, hamutuk na'in 11,800 mak rejistru ona iha rai-li'ur. Timor-Leste uza sistema rejistru eleitor ativu ida-ne'ebé eleitor sira aplika ba STAE iha sira-nia área rezidénsia jeográfica atu inklui iha rejistru votante. Eleitor sira hetan kartaun eleitor ba identifikasaun iha estasaun votasaun iha loron eleisaun. La iha dezafiu ba rejistru votante.

Iha responsabilidade STAE nian, rejistru eleitor ne'e hetan atualizasaun entre 17 Janeiru no 31 Marsu 2023, iha postu administrativu 452, unidade administrativa ki'ik liu hotu, iha nasau laran tomak. Munisípiu Dili iha número votante ne'ebé aas liu mak hetan rejistru iha 187,462, tuir mai Baucau hamutuk 99,158, no Ermera hamutuk 85,358. Atauro ho eleitor na'in 7,598 ne'ebé rejistru ona, iha número eleitoral ki'ik liu. Bainhira ezersísiu rejistru eleitor nian kaptura sidadaun hotu ho idade tinan 16 ka liu, rejistru ne'e iha sidadaun maizumenu 3,441 ne'ebé seidauk ho idade tinan 17 iha ka molok loron eleisaun no tanba ne'e la elijivel atu vota.

Número eleitor sira ne'ebé rejistru ona aumenta porsentu 3.6 dezde votasaun 2022 nian, porsentu 51.94 husi rejistru sira mak mane no porsentu 48.06 mak feto. Iha munisípiu hotu-hotu, inklui Atauro no

RAEOA, númeru mane no feto sira ne'ebé rejistu ona fahe ho justu hanesan, ho proporsaun feto sira ne'ebé rejistu ona ki'ik liu iha Aileu, Dili no Manufahi. Informasaun husi rejistu tuir idade la disponivel.

Rejistu no atualizasaun ba votasaun iha rai-li'ur (OCV) hala'o entre loron 1 to'o 31 fulan-marsu tinan 2023, no kondisionál ba rejistu konsulár molok. Diaspora Timor nian bele rejista iha nasau haat (Australia, Korea Súl, Reino Unido no Portugal). Jeralmente, mane sira mak porsentu 71 husi eleitór sira ne'ebé rejistu ona ba OCV. Tanba aumenta fatin votasaun foun tolu, ida iha Reino Unido, ida iha Korea Súl, no ida iha Portugal, númeru votante sira ne'ebé rejistu ona ba OCV sa'e porsentu 66 dezde votasaun 2022.

### **Rejistu husi Partidu Polítiku no Kandidatu sira**

***Iha prosesu ida-ne'ebé inkluzivu no transparente, aprova ona lista kandidatu na'in 17, no rejeita ona koligasaun tolu no lista kandidatu rua.***

#### *A. Enkuadramentu Legál*

Rejistu partidu político sira, koligasaun no kandidatu sira, ne'ebé iha responsabilidade Tribunal Rekursu nian, regula iha Konstituisaun, Lei, Nu. 9/2017 kona-ba Eleisaun Parlamentu Nasional, Lei, Nu. 2/2016 kona-ba Partidu Polítiku, Lei, Nu. 16/2021 kona-ba Órgaun Administrasaun Eleisaun, no mós regulamentu oioin.

Tribunal Rekursu iha mandatu atu rejista partidu político sira no kandidatu parlamentár sira ba rekizitu elijibilidade. Partidu rua ka liu bele forma koligasaun liu husi fó-hatene ba CNE durante loron sanulu antes hato'o ninia lista ba Tribunal Rekursu. Dekretu Governu n.o 16/2017 regula submisaun kandidatura ba eleisaun lejislativu.

Kritériu ba elijibilidade kandidatu ba eleisaun lejizlativa tuir obrigasaun internasional ba eleisaun demokrática no inklui la-diskriminasaun ka restrisaun exesivu. Partidu político sira tenke halibur asinatura mínimu 20.000 husi eleitór sira ne'ebé rejistu ona, ho asinatura mínimu 1.000 ne'ebé mai husi eleitór sira ne'ebé rejistu ona iha kada munisípiu no RAEOA. Partidu político sira tenke rejista pelumentus fulan neen antes eleisaun. Partidu político ida lakon ninia estatutu legál se la partisipa ho ninia programa rasik iha kualkér eleisaun iha nível lokál ka nasional durante períodu ida liu tinan lima.

Tuir Timor-Leste nia sistema reprezentasaun proporsional no lista ne'ebé taka, partidu sira ne'ebé kompete iha eleisaun parlamentár tenke submete lista kandidatu hamutuk 65 no mós kandidatu rezerva hamutuk 25. Sira mós tenke inklui feto ida ba kada kandidatu tolu iha sira-nia lista.

#### *B. Admisaun husi koligasaun no kandidatura*

La iha koligasaun ne'ebé aprova atu kompete iha eleisaun hirak-ne'e. Iha loron 15 Marsu, Tribunal Rekursu rejeita koligasaun tolu, ne'ebé antes ne'e hetan ona aprovasaun husi CNE no publika husi STAE iha jornal ofisiál, ho hanoin katak partidu político ida iha koligasaun ida-idak la partisipa iha eleisaun durante tinan lima liubá ka la aprova didi'ak ninia partisipasaun iha koligasaun. Tribunal fó konsellu katak membru partidu sira husi koligasaun sei bele hala'o nafatin hanesan partidu ida se sira submete lista kandidatu sira iha loron ne'ebé hanesan.

Iha loron 25 fulan-marsu, Tribunal aprova lista kandidatu hamutuk 17, rejeita lista rua ne'ebé apresenta hosi partidu ne'ebé hanesan - *Frenti Mudança* - tanba lei la permite parte ida atu submete lista liu ida. Parte rua ne'e la konsege halo rekursu ba desizaun Tribunal nian. Fasaun ne'ebé lidera

husi Ricardo Cardoso fó apoiu ba CNRT, enkuantu fasaun ne'ebé lidera husi Egidio de Jesus fó apoiu ba PVT.

### C. Publikasaun husi lista husi Kandidatu sira

Hahu husi loron 19 Abríl, loron inísiu períodu kampaña eleisaun nian, STAE halo transmisaun iha rádiu nasional no média sira seluk durante loron tolu husi lista finál ba kandidatura sira ne'ebé simu ona. Partidu sira hetan lisensa to'o loron 21 molok loron eleisaun atu halo substituisaun no remata sira-nia lista, maibé la iha rekizitu legál ba lista finál atu sai públigu hafoin períodu substituisaun remata.

## Kampaña Eleitorál no Ambiente Pré-Eleitorál

### A. Kampaña Eleitorál

#### **Liberdade fundamentál sira hetan respeitu di'ak iha ambiente ida-ne'ebé kompetitivu, iha ne'ebé kandidatu sira iha liberdade atu envolve iha atividade política.**

Kampaña eleitorál loron 30 ho períodu nonook loron rua. CNE, nu'udar órgaun supervizor, verifika no asegura kumprimentu ba regra no prinsípiu kampaña nian. Representante partidu político sira fornese ba CNE kalendáriu atividade sira ne'ebé inklui oráriu no fatin kampaña nian. Iha ne'ebé iha atividade barak iha tempu ka fatin hanesan, CNE no partidu sira hetan solusaun. CNE fó formasaun ba monitorizador sira atu observa eventu kampaña sira iha NASAUN laran tomak no halo relatório kona-ba violasaun ba lei.

Kampaña ne'e hatudu kompetisaun ne'ebé loos entre kandidatu xave sira, ne'ebé respeita didi'ak liberdade espresaun, asembleia no asosiasaun. Iha jerál, ambiente ne'e hakmatek tebes, no iha problema uitoan de'it entre apoiate sira. Análize ida kona-ba relatório komunikasaun sosiál nian hatudu katak figura karismátiku husi Xanana Gusmão husi CNRT atrai ho konsisténsia ema barak liu (4.500) no tuir ho "troika" husi FRETILIN ne'ebé reprezenta husi Mari Alkatiri, Francisco Guterres "Lú-Olo" no Tito da Costa Cristovão "Lere Anan Timur" (4,000). Gusmão dalabarak partisipa hamutuk ho Vise-Prezidente no Sekretariu-Jeral CNRT nian, no dala ruma ho Rogerio Lobato, ne'ebé iha tempu uluk suporta FRETILIN, maibé iha tempu ne'e hili atu apoia CNRT. Troika FRETILIN baibain hamutuk iha palku, maibé dala ruma fahe sira-nia prezensa iha eventu simultaneu.

CNRT no FRETILIN halai iha plataforma política hanesan, ho objetivu atu promove edukasaun, empregu no oportunidade ba foin-sa'e sira. CNRT propoim atu rezolve asuntu sosiál sira liu husi dezenvolvimentu setór privadu, iniciativa agrikultura no rurál, no investimento iha empreza ki'ik sira, enkuantu FRETILIN promove ninia esperiénsia governasaun NASAUN ne'e nian. CNRT ko'alia liu kona-ba hamenus korrupsaun no aumenta transparénsia iha governasaun no hamenus politizasaun iha funsaun publika. FRETILIN nia kampaña haree reintegrasaun husi Jenerál Lere ho esperansa atu kaptura votu hamutuk 50.000 ne'ebé nia hetan iha votu prezidensiál 2022 nian. FRETILIN nia movimentu foin-sa'e sira partikularmente ativu, organiza eventu loron naruk ho akontesimentu regulár odamatan ba odamatan no mini-kampaña ho múzika, poezia, no fotu *selfie*.

PLP no PD atrai ema-lubun substancial hanesan (2,500). Eventu PLP nian iha prezensa prinsipál husi Primeiru-Ministru Taur Matan Ruak no Prezidente Partidu Interinu Abrão Freitas, enkuantu oradór sira iha kampaña PD mak hanesan jerasaun foun husi lider sira - Mariano Sabino Lopes "Assanami," Antonio da Conceição, no Adriando Nascimento. PLP nia plataforma foka liu ba justisa sosiál, hamenus dezigualdade, dezenvolve ekonomia no kuidadu saúde, enkuantu PD promete estabilidade governu nian no diversifikasiáun ekonómika atu hamenus dependénsia ba mina.

Emerjénsia ba política husi grupu arte marsiais no rituál sira-nian haree liu iha partidu político sira

KHUNTO no PVT, ne'ebé koñesidu ba sira-nia asosiasaun besik ho grupu KORKA no 7-7, respetivamente. Partidu hirak-ne'e atrai ema uitoan liu maibé sei iha ema-lubun ne'ebé boot (2,000). Primeira iha KHUNTO nia lista kandidatu, Vise-Primeira-Ministra Armanda Berta dos Santos no nia la'en no lider partidu, Naimori Bucar, mak oradór prinsipál iha kampaña, promove dezenvolvimentu ekonómiku, inklusaun sosiál no kriasaun servisu. Komisiu uitoan ne'ebé hala'o husi PVT baibain husi Prezidente Partidu Antonio Lela Huna ne'ebé diskute kona-ba igualdade sosiál, ambiente, dezenvolvimentu ekonómiku, no '*green jobs*'.

Hanesan práтика normál iha Timor-Leste, organizadór sira fornese transporte beibeik ba partisipante sira no oferece insentivu *in-kind* durante eventu kampaña.

### B. Finansiamentu husi Kampaña

***Enkuantu subsídiu estadu ba kampaña ne'e nu'udar elementu poxitivu ida, finansiamentu kampaña nian nafatin iha regulamentu ne'ebé menus no falta transparénsia no responsabilizasaun.***

CNE nu'udar órgaun supervizaun ne'ebé responsavel, maibé la iha mandatu klaru atu superviziona partidu político no finansiamentu kampaña. Knaar sira CNE nian iha área ida-ne'e hakerek iha Lei No. 2/2016 kona-ba Partidu Polítiku sira, Lei No. 6/2008 kona-ba Finansiamentu Partidu Polítiku sira no Dekretu Governu No. 18/2017 kona-ba Regulamentu Kampaña Eleitorál, maibé mandatu ne'e la esplika iha Lei No. 16/2021 kona-ba Órgaun Administrasaun Eleitorál.

*Rekomendasau: Haforsa fiskalizasaun finansas kampaña nian hodi fó ba CNE kompeténsia klaru iha área ida-ne'e no fó kbiit ba órgaun ida-ne'e atu hala'o papél ida-ne'ebé garante no proativu liu.*

Enkuadramentu legál ba finansas kampaña nian ne'e vagu no la kompletu. Lei ne'e la-iha diferença entre partidu político sira ne'ebé iha reprezentasaun parlamentár no sira ne'ebé la iha. Ida ne'e hamosu pergunta sira kona-ba igualdade oportunidade nian, tanba partidu político sira ne'ebé iha reprezentasaun parlamentár simu fundu público ne'ebé bele uza nu'udar fonte finansas kampaña nian, ne'ebé kontribui ba vantajen estruturál no finanseiru duke kandidatu sira ne'ebé la iha apoiu ba partidu político.<sup>5</sup>

Iha falta transparénsia ne'ebé boot, tanba lakuna iha lejislasaun inklui la iha definisaun klaru kona-ba doasaun, la iha rekizitu ba divulgsaun ba doadór nia identidade no fonte rendimento finanseiru hotu, no la iha rekizitu atu relata doasaun husi sasán. Ho la iha limite ba kontribuisaun doadór nian ka ba despeza kampaña nian, rezulta situasaun ne'ebé la hanesan entre kandidatu sira ne'ebé rekursu di'ak no ladún rekursu.

Falta transparénsia aumenta ho defisiénsia iha responsabilizasaun, inklui ba fundu público. Enkuadramentu legál la iha sansaun ne'ebé uniforme ka proporsional ba violasaun provizaun finansas kampaña nian, no CNE la iha autoridade atu fó sansaun atu reforsa relatório finansas kampaña nian. Partidu político sira tenke hato'o relatório barak liu kona-ba despezas kampaña nian duke kona-ba fontes finansiamentu nian; no la husu relatório kona-ba despezas publisidade nian iha média

<sup>5</sup> Lei No. 6/2008 kona-ba Finansiamentu Partidu Polítiku, Artigu 11.2 define katak porsentu 50 husi fundu público ba partidu político sira sei fahe hanesan entre partidu político hotu-hotu ho reprezentasaun parlamentár, no porsentu 50 sei aloka tuir reprezentasaun proporsional hanesan partidu sira alkansa. Tribunál Rekursu (01/2008TR) deklara katak parte bazeia ba proporsionalidade la konstitutionál. Tuir mai, subsídiu ne'e fornese tiha ona hanesan montante fíksu ida ba reprezentante ida-idak, kalkula hanesan parte ida-ne'ebé hanesan hosi subsídiu anuál político nian. Husi tinan 2014, totál ne'ebé disponivel ba kada tinan hamutuk dolar amerikanu millaun neen, ne'ebé rezulta subsídiu anuál ba kada membru parlamentu ho montante dolar amerikanu 92,307.

tradisionál no sosiál sira.

CNE tenke verifika no publika partidu político sira-nia relatóriu finanseiru kona-ba kampaña eleitorál, hamutuk ho ninia opiniaun, iha jornál ofisiál. CNE konfirma ba MPE UE katak relatóriu hirak-ne'e la publika hafoin votasaun 2017, 2018, no volta daruak iha tinan 2022, maske simu ona relatóriu finansas husi partidu político no kandidatu sira.

*Rekomendasau: Revizaun ba regra finansas kampaña nian no rekizitu relatóriu nian atu hametin igualdade, transparénsia no responsabilidade iha prosesu eleitorál.*

Partidu parlamentár sira iha direitu ba subsídu estadu anuál ida-ne'ebé distribui tuir número kadeira ne'ebé kaer. Iha tinan fiskál 2022 aloka ona osan dolar amerikanu millaun 6 ba objetivu ida-ne'e. Iha mós fundu público ho forma subsídu kampaña ba kandidatu sira. Ida ne'e pozitivu katak nia apoia partisipasaun eleitorál ne'ebé luan liu, maibé enkuadramentu ne'e falta previziabilidade ho lakuna pagamentu potensiál ne'ebé luan. Bazeia ba Lei No. 2/2016 kona-ba Partidu Polítiku, kada kandidatu iha direitu atu simu subsídu entre USD 1 no 10 ba kada votu ne'ebé hetan. Nu'udar rezultadu, partidu político sira tenke depende ba sira-nia fundu no doasaun rasik atu kobre despeza kampaña nian, ne'ebé parese sai dezafiu ba partidu ki'ik sira ne'ebé iha rekursu menus.

CNE, ne'ebé nu'udar órgaun responsável atu administra subsídu anuál ba partidu político sira, la iha knaar atu halo hanesan iha kazu subsídu kampaña nian ne'ebé administra husi Ministériu Finansas. Tuir mai, pagamentu subsídu hirak-ne'e la kontinjente ba verasidade husi sira-nia relatóriu finansas kampaña nian ba CNE, no hamosu pergunta adisionál kona-ba responsabilidade. Desizaun sira kona-ba pagamentu subsídu hirak-ne'e ikus liu ba governu hafoin eleisaun, no fó karakter arbitrário ba prosedimentu ne'e.

*Rekomendasau: Introdús seguransa no responsabilidade ba alokasaun subsídu kampaña nian atu administra husi CNE.*

## **Observasaun Eleitorál husi Sidadaun sira no Internasionál**

***Prezença forte husi observadór sira kontribui ba prosesu eleitorál transparente.***

Observador nacionál hamutuk 2,430 no observador internasionál 218 akompanha eleisaun lejislativa ne'e. Maioria avalia prosesu ne'e ho pozitivu no subliña taxa partisipasaun ne'ebé aas. Grupu observador nacionál sira inklui sira ne'ebé ativu durante siklu eleitorál oin-oin iha Timor-Leste, liu-liu, observador Igreja Katólika sira OIPAS (1582) NGO forum FONGTIL (325), grupu estudantil rezisténsia RENETIL (259), organizasaun defisiénsia RHTO (34), Belun (21), Fundasaun Mahain (22), no Fundasaun CAUCUS (45). Gabinete Provedór Direitus Umanus no Justisa (PDHJ) mós halo monitorizasaun iha loron eleisaun. Aleinde ne'e STAE mós rejista jornalista internasionál na'in 6 no nacionál 123. Ajente partidu na'in 24,000 liu mak hetan akreditasaun ba estasaun votasaun iha nasaun laran tomak.

Hamutuk ho MPE UE iha grupu internasionál sira ne'ebé envolve observador sira, liu-liu, misaun konjunta ida husi Asosiasaun Timor-Leste Australia no Universidade Vitoria, Institutu Internasionál ba Demokrasia no Asisténsia Eleitorál (IDEA Internasionál), Komunidade País Lian Portugés (CPLP), Rede Aziátiku ba Eleisaun Livre (ANFREL), no grupu G7+. MPE UE no Fundasaun Internasionál ba Sistema Eleitorál (IFES) hala'o ekipa espesialista durante períodu fulan rua. Aleinde Delegasaun UE nian, Embaixada EUA, Australia, Nova Zelandia, Japaun, Filipina no Tailandia sira partisipa iha ezersísiu observasaun diplomática nian, balun ne'ebé la'ós iha Dili.

## Media no Eleisaun sira

*Medida hirak-ne'e nesesáriu ba CNE atu kumpre di'ak liu ninia mandatu atu fiskaliza média nia adezaun ba prinsípiu kampaña.*

### A. Enkuadramentu Legál

#### **Enkuadramentu Legál husi Media**

Lei No. 5/2014 kona-ba Komunikasaun Sosiál fornese baze ida-ne'ebé luan ba liberdade espresaun no liberdade imprensa, no define direitu no obrigasaun jornalista sira-nian. Konstituisaun bandu sensura, garante direitu ba privasidade, no bandu konsentrasaun na'in ba média. Maske nune'e, regulamentu sira iha Kódigu Penal kona-ba defamasaun kontra padraun internasional kona-ba liberdade espresaun no bele enkoraja auto-sensura.

Projetu Lei Komunikasaun Nu. 35/V (4), ne'ebé ho objetivu atu regula estabelesimentu estasaun rádiu no televizaun, pasa lee ba dahuluk iha Abril 2022. Tuir mai Prezidente Repúblika husu revizaun preventiva ba lei ne'e, Tribunal Rekursu deklara iha fulan-marsu tinan 2023 katak artigu rua la konstitusionalidade: ida-ne'ebé bandu operadór rádiu no televizaun sira atu fó, tanba razaun ruma, espasu transmisaun ba propaganda política; no segundu kona-ba atividade transmisaun doutrina nian kona-ba utilizasaun frekuénsia rádiu nian. Tribunál konsidera katak espektru frekuénsia rádiu nian la'ós de'it bele nakloke ba atividade sira ne'ebé hala'o iha área doutrina nian, no tenke garante ba atividade ekónomika sira seluk. Porezemplu, doutrina bele uza rádiu online. Ida-ne'e hanoin-hetan katak frekuénsia rádiu ne'e limitadu, no se lei ne'e adopta, partidu político hotu bele uza.<sup>6</sup>

Konsellu Imprensa (PC), órgaun auto-reguladór no sansaun média nian, nu'udar órgaun ida-ne'ebé respeitu iha komunidade média nian laran no konsidera independente. Konsellu Imprensa hala'o operaun ho rekursu limitadu atu tuir média liu 38, inklui radio komunidade. Monitorizasaun ne'ebé foka liu ba impresaun no média notísia online, enkuantu média transmisaun, estadu no privadu nian, hetan monitorizasaun ba reklamauna kona-ba hahalok-aat ka suspeitu ba hahalok-aat.<sup>7</sup>

CNE tenke verifika média públiku sira-nia kumprimentu ba prinsípiu kampaña nian. Dekretu Governu n.o 18/2017 kona-ba kampaña eleitorál ne'e inklui prinsípiu sira ne'ebé komunikasaun sosiál públiku nian tenke kumpre, inklui liberdade ba publisidade eleitorál, imparsialidade, no oportunidade no tratamento ne'ebé hanesan. Maske iha responsabilidade atu verifika kumprimentu, CNE falta podér sansaun no bele fó de'it avizu bainhira deteta irregularidade ka husu intervensaun hosi autoridade competente sira. Iha kazu sira ne'ebé la kumpre beibeik, CNE bele hahú prosedimentu kriminál ba ida ne'e.

*Rekomendasau: define liután medida sira, hanesan autoridade ba sansaun, atu permite CNE atu kumpre di'ak liután ninia mandatu atu tau matan ba adezaun média nian ba prinsípiu kampaña nian, inklui igualdade oportunidade no tratamento ba kandidatu hotu-hotu.*

### B. Ambiente Media

Timor-Leste iha paisajen komunikasaun sosiál oioin ne'ebé permite política no programa editorial oioin. Lisensa operasional ne'e estende ba estasaun televizaun 5, radio komunidade 17, radio privadu balun, jornal loroloron 8, no média online 7. Programa rádiu televizaun público Timor-Leste nian, *Radio Televisão de Timor-Leste TV*, ho kobertura nasaun nian, mak kanál televizaun ne'ebé ema

<sup>6</sup> Rádiu doutrina ida eziste tiha ona iha Timor-Leste, hanesan *Rádio Televisão Maubere*, ne'ebé nu'udar órgaun ofisiál husi partidu FRETILIN.

<sup>7</sup> Resultadu sira husi Konsellu Imprensa nia monitorizasaun média seidauk disponivel iha tempu relatório UE nian.

haree no fiar-na'in liu. Iha limitasaun ba asesu ba notísia online no ba jornál ba porsentu 70 husi populasaun ne'ebé hela iha área urbana sira<sup>8</sup>. Iha tinan 2023, jornalista maizumenus na'in 600 mak rejistru ona ho Konsellu Imprensa, ho sertifikasaun profisionál maizumenus na'in 450, ne'ebé mak feto. Maske iha média ne'ebé forte, ko'alía-na'in sira ne'ebé ko'alía ho MPE UE fahe sira-nia hanoin katak kontribuisaun média nian falta diversidade no análise ne'ebé signifikativu.

Durante no iha períodu eleitorál nia li'ur, Konsellu Imprensa envolve iha iniciativa formasaun no monitorizasaun ba violasaun ba kódigu étika ba jornalista sira. Ba votasaun tinan 2023, no ho apoiu husi Governu no Kooperasaun Komunikasaun Australia (ABC), Konsellu Imprensa no Asosiasaun Jornalista Timor-Leste nian fó formasaun kona-ba independénsia editoriál, matadalan étika, no kobertura kampaña. Formasaun ne'e hala'o ba rádiu komunitáriu sira iha munisípiu hotu-hotu. Tanba rádiu komunitáriu sira nafatin sai nu'udar fonte informasaun ne'ebé importante liu, Konsellu Imprensa rekomenda atu aumenta apoiu hodi hadi'a sira-nia sustentabilidade finanseira. Parseiru projeto eleisaun husi Plan Internasional ne'ebé finansia husi UE, *Fundasaun Patria*, envolve rádiu komunitáriu sira iha munisípiu haat atu fó formasaun ba jornalista sira kona-ba eleisaun. CNE no STAE envolve rádiu komunitáriu sira iha sira-nia esforsu atu habelar edukasaun ba eleitor no informasaun sívika, no partisipa iha programa rádiu sira kona-ba asuntu eleitorál sira.

*Rekomendasau: Aumenta apoiu finanseiru no tékniku ba rádiu komunitáriu sira, enkuantu respeita sira-nia independénsia editoriál, atu nune'e sira bele fahe informasaun eleitorál ne'ebé di'ak liu.*

Autoridade eleitorál falta metodolojia monitorizasaun média profisionál. Atu verifika imparsialidade ba kobertura kampaña komunikasaun sosiál no oportunidade hanesan no asesu ba média públiku ba kandidatu sira, CNE dezenvolve formuláriu keixa online ida kona-ba atividade kampaña nian ne'ebé supervizor CNE sira sei halo iha kampu. Formuláriu ne'e inklui pergunta sira kona-ba imparsialidade informasaun ofisiál públiku nian, asesu ne'ebé hanesan ba média públiku no privadu, no alokasaun tempu livre. CNE la fó sai rezultadu sira ne'ebé hetan liu husi plataforma online ne'e.

Matadalan Nasional kona-ba Relatório Eleitorál<sup>9</sup> husi Konsellu Imprensa esplika katak setór notísia sira labele hato'o publisidade política. Tuir lei, publisidade política presiza anúnsiu ida atu identifika mensajen hirak-ne'e nu'udar tempu livre (direitu de antena). Ko'alía-na'in sira ne'ebé ko'alía ho MPE UE nian, inklui Konsellu Imprensa, refere ba nesesidade atu halo diferença ne'ebé klaru entre konteúdo editoriál no publisidade. Ida ne'e tenke realiza liu husi identifikasiun ba reklamasaun política hanesan ne'e, no só habelar de'it iha parte notísia nian.

*Rekomendasau: Distinsaun entre konteúdo editoriál no reklamasaun liu husi asegura katak reklamasaun política identifika ho klaru hanesan ne'e, no transmisaun iha parte li'ur husi setór notísia.*

### C. Konteúdo Online ne'ebé relasiona ho Eleisaun

Ema Timoroan maizumenus na'in 400,000 uza média sosiál hodi halo ida-ne'e sai nu'udar fonte ne'ebé potensialmente populár atu informa ba eleitoradu<sup>10</sup>. Husi partidu político sira ne'ebé kompete

<sup>8</sup>Tuir levantamento governu nian iha fulan Outubru tinan 2021, populasaun liu metade mak uza online no média sosiál nu'udar fonte informasaun, 26 porsentu haree televizaun, 14 porsentu radio, no 4 porsentu de'it mak lee jornál, ne'ebé barak liu mak asina husi ajénsia governu no órgaun administrativu sira.

<sup>9</sup> Matadalan Nasional ba Jornalista no Komunikasaun Sosial kona-ba Relatório Eleitorál (2022), manuál ida-ne'ebé dezenvolve husi Konsellu Nasional Imprensa tuir projeto Eleisaun Reziliente ba COVID iha Timor-Leste (CORE-TL) hodi facilita kobertura siklu eleitorál.

<sup>10</sup>Tuir <https://datareportal.com> Timor-Leste iha ema na'in 670,000 ne'ebé uza internét; Konsellu Imprensa relata katak maizumenus 400,000 uza média sosiál.

hamutuk 17, iha média sosiál hamutuk 11. FRETILIN no CNRT iha prezensa ne'ebé forte liu, ho sira-nia partidu nia pájina ofisiál Facebook ne'ebé atrai ema maizumenus na'in 99,200 no 70,790. Facebook mak plataforma média sosiál ne'ebé populár liu, maibé istória sira mós sirkula iha grupu WhatsApp ne'ebé taka.

FRETILIN-Timor-Leste nia pájina ofisiál Facebook iha média post 14 kada loron, ho vídeo kampaña *live* ne'ebé hamosu interesse barak liu duke fotu husi apoiate kampaña ka sumáriu diskursu partidu nian. Aleinde konta ofisiál, partidu ne'e hala'o pájina tolu seluk ne'ebé hamutuk segidór 31,600, no sira hotu ho post<sup>11</sup> ho kualidade profisionál. FRETILIN la hatán ba lia-bosok ne'ebé lider no apoiate sira husi CNRT dirije ba sira. Programa FRETILIN ba governu publika iha ninia konta média sosiál sira.

Media Centre CNRT iha média post 3-4 kada loron. Post balun foka liu ba asuntu sira ne'ebé iha ligasaun ho luta rezisténsia nian, enkuantu seluk goza membru koligasaun partidu sira seluk ne'ebé iha governu. Post uitoan mak *live* vídeo husi eventu no komisiu kampaña nian, maibé uza média privadu sira atu divulga atividade kampaña nian. Iha post sira ne'ebé populár liu, no sira ne'ebé hetan interesse barak liu, Xanana Gusmão halo interasaun ho ferik-katuas no labarik sira.

PD ativu iha Facebook ho pájina ofisiál rua: *Lian Democrático* ho segidór 16,200, no *Partido Democrático* ho ema na'in 10,800, ho média post 5-6 loron ida. Vida vídeo atividade kampaña ka diskursu badak husi lider partidu no kandidatu, Mariano Assanami, atrai interasaun limitadu. Durante diskursu kampaña nian, no kontra regra kampaña nian, dala rumo Assanami ko'alia kona-ba prezensa no apoiu husi grupu arte marsiais no rituál sira iha eventu ne'e.

KHUNTO marka prezensa iha Facebook ho pájina prinsipál ida, ho ema na'in 11,490 no média post 6 kada loron. Post sira-ne'e ho natureza pozitivu, ho vídeo kampaña sira ne'ebé hatudu Armanda Berta ne'ebé diskute programa governu nian. Interasaun ho vídeo kampaña sira ho média gosta 200-300, maske kualidade produsaun vídeo iha jerál ladún di'ak. PLP nia pájina Facebook iha ema hamutuk 48,330, ho média post sia kada loron. Pájina ne'e promove mensajen pozitivu kona-ba dezempeñu governu Taur Matan Ruak nian. Vídeo kampaña sira dada interesse balun husi ema ne'ebé haree, ho média gosta maizumenus hanesan 200.

Monitorizasaun komunikasaun sosiál comprehensivu ne'ebé hala'o husi MPE UE tinan 2022 hatudu katak: "Anúnsiu ne'ebé selu iha média sosiál uza barak liu husi kandidatu sira ne'ebé lidera no ho transparénsia uitoan. Meta, kompaña ne'ebé na'in ba Facebook, klasifika eleisaun Timor nian hanesan risku ki'ik no, tanba la iha envolvimentu rumo hosi institusaun Timor nian, plataforma ne'e nia instrumentu sira atu proteje eleisaun sira la ativadu iha Timor-Leste. Hanesan ne'e, Meta nia Facebook Ad Library la hatudu dadus kona-ba orsamentu no audiénsia ba publisidade política, medida xave ida atu aumenta transparénsia ba despeza kampaña online." Situasaun iha tinan 2023 parese hanesan, la iha envolvimentu autoridade eleitorál nasionál ho plataforma média sosiál sira.

Inisiativa verifikasiun faktu foun lansa husi Konsellu Imprensa. Hahu husi inísiu projetu ne'e iha tinan 2021, jornalista hamutuk 140 mak hetan formaun atu kombate informasaun sala no notisia falsu iha média sosiál. Ho apoiu husi Asosiasaun Jornalista, organizasaun foin-sa'e no universidade sira, lansa ona web-site ba kontrolu faktu ida ba eleisaun tinan 2023 nian. Ida ne'e rezulta iha revizaun ba istória balun ne'ebé relasiona ho eleisaun ne'ebé sirkula iha plataforma WhatsApp.

*Rekomendasau: Envolve iha diálogu konstrutivu ho plataforma média sosiál sira atu proteje ambiente kampaña online, kona ba publisidade política ne'ebé transparente no mekanizmu ne'ebé adekuadu atu responde ba tentativa potensiál sira iha manipulasaun informasaun.*

<sup>11</sup> FRETILIN Media Juventude, FRETILIN iha Parlamentu Nasional, no Juventude, no FRETILIN Lutar para Vencer.

## Partisipasaun husi Feto

*Esforsu hadi'a ona partisipasaun feto iha política, maibé igualdade jéneru iha pozisaun foti desizaun presiza asaun seluk tan.*

Konstituisaun garante igualdade jéneru, no kota tersu ida hadi'a ona reprezentasaun jéneru iha Parlamentu Nasional. Timor-Leste ratifika ona Konvensaun kona-ba Eliminasaun Forma Diskriminasaun Hotu-hotu Kontra Feto (CEDAW). Maske nune'e, grupu feto sira konkorda katak maske iha ona progresu, papél patriarkál sosiál no jéneru nafatin relevante no kontribui atu lejítimiza papél sekundáriu ba feto sira.<sup>12</sup>

Iha ona esforsu atu promove partisipasaun signifikativu no reprezentasaun feto sira-nian iha política. Iha kada governu tuir tuir malu, iha aumentu balun iha partisipasaun feto iha nível ezekutivu, liu-liu iha assume pozisaun hanesan membru governu. Iha governu da-ualu hahú husi tinan 2018-2023 iha feto na'in hitu iha Governu - Ministru tolu, Vise-Primeiru-Ministru ida, Vise-Ministru rua, Sekretáriu Estadu ida.

Dezde 2011, Timor-Leste iha proporsaun aas liu ba feto parlamentár sira iha rejiaun Azia-Pasifiku, ho membru parlamentu feto na'in 25 iha kada lejislatura. Iha tempu hakerek relatório ne'e, parese katak totál feto na'in 21 mak sei foti kadeira iha Parlamentu Nasional kadeira 65, menus husi kadeira lima kompara ho lejislasaun sira uluk nian. Parte rua de'it ne'ebé kompete ho lista kandidatu ida-ne'ebé lidera husi feto ida, KHUNTO no CASDT, la liu limite atu hetan kadeira. Iha nível lokál, kota porsentu 30 ba feto sira iha autoridade munisípiu nian ho objetivu atu aumenta partisipasaun política. Feto sira mós reprezenta iha konsellu suku lokál.<sup>13</sup>

Feto sira partisipa iha nível hotu-hotu administrasaun eleitorál nian, maibé sira la marka prezensa maka'as iha pozisaun foti desizaun. Iha nafatin feto ida de'it husi komisionáriu hitu iha CNE, no diretór feto rua de'it mak kaer STAE munisípiu 13 no RAEOA STAE. Iha STAE nia sede, diretór nasional tolu mak mane, no xefe departamentu haat mak feto. Feto sira-nia prezensa iha administrasaun eleitorál bele haree liu-liu iha loron eleitorál, tanba metade husi traballadór votasaun hotu-hotu tenke feto. Iha porsentu 48.06 feto sira ne'ebé rejistru hanesan eleitor iha nasaun laran tomak no iha diaspora, no feto sira partisipa ho porsentu 48.64 husi votasaun.

Programa Estratégia Nasional - Haforsa Lideransa no Partisipasaun Feto iha Eleisaun (2021-2025), iha kooperasaun ho Nasoins Unidas, Sekretaria Estadu Igualdade no Inkluzau, no CNE, envolve organizasaun sira ne'ebé lidera husi feto lokál iha formasaun, dezenvolvimentu kapasidade no promove partisipasaun ativu iha prosesu eleitorál sira. Enkuantu programa hirak-ne'e prodús susesu balun, feto sira-nia kapasidade atu atinje igualdade iha ezersísiu podér político presiza asaun seluk tan.

*Rekomendasau: Promove medida efetiva sira, hanesan introdusaun kota ida, ba feto sira atu atinje paridade reprezentasaun iha pozisaun eleitu hotu-hotu no órgaun ezekutivu partidu nian.*

<sup>12</sup> Iha Timor-Leste violénsia doméstica hasoru feto no labarik-feto barak liu, ne'ebé sai hanesan obstáculo adisionál ba partisipasaun inkluziva feto iha vida pública. Dadus foun ne'ebé publiqua hatudu katak liu husi tersu ida (38 porsentu) husi feto sira hetan ona esperénsia violénsia husi parseiru intimu fíziku/seksuál durante sira-nia moris (Peskiza Demográfiku no Saúde 2016).

<sup>13</sup> Iha nível suku feto 319 nomeia sira-nia an nu'udar kandidatu ba Xefe Suku (Xefe Suku) iha tinan 2016 no 21 mak eleitu. Lei No. 9/2016 kona-ba Lideransa Komunitária (Lei dos Sukus) hateten katak apresentasaun kandidatura ba Xefe Suku no Xefe Aldeia tenke iha pelumenus feto ida, no konsellu suku ne'e kompostu husi delegadu feto ida no reprezentante feto ida. Fonte: Konsellu Direitus Umanus, Grupu Traballu iha Revizaun Periodika Universal, sesaun 14 (2022).

## Partisipasaun husi Ema ho Defisiénsia

*Presiza esforsu barak liu atu promove partisipasaun política efetiva hosi ema ho defisiénsia sira.*

Maske prinsípiu direitu hanesan ne'ebé hakerek iha Konstituisaun, ema ho defisiénsia sira nafatin iha estigmatizasaun no sofre diskriminasaun sosiál. Ema ho defisiénsia sira seidauk reprezenta iha órgaun eleitorál sira no sira-nia hanoin la suficiente inklui iha inisiativa política. Iha tinan 2023, Timor-Leste ratifika ona Konvensaun Direitu Ema ho Defisiénsia (CRPD). Dezafiu ne'ebé mai mak lori kompromisu ida-ne'e ba lei nasionál.

Peskiza Demográfika no Saúde 2016 ne'ebé hala'o husi Diretor Jerál Estatistika, Ministériu Planeamentu no Finansas no Ministériu Saúde rejista katak ema Timor-oan hamutuk 52,356 mak moris ho defisiénsia balun. Númeru ida-ne'e menus liu husi Organizasaun Saúde Mundial no Banku Mundial ne'ebé estima katak ema ho defisiénsia hamutuk 15 porsentu hosi populasaun mundiál. Karik Aplika proporsaun ida-ne'e sei iha ema ho defisiénsia na'in 175,000 ne'ebé hela iha Timor-Leste. Organizasaun direitus umanus konsege ho susesu katak Sensus 2022 atu halibur informasaun kona-ba defisiénsia ne'ebé substantivu hodi bele hadi'a inkluzaun. Iha tempu hakerek relatóriu ida ne'e, dadus husi sensus seidauk disponivel.

Maske iha rekomendasauñ husi organizasaun defisiénsia sira, no medida espesíku atu fasilita sufrajiu ativu ba ema ho defisiénsia sira introdús liu husi lei. Iha esforsu atu rezolve defisiénsia ida-ne'e, STAE konvida organizasaun ho defisiénsia RHTO atu hala'o formasaun oras ida ba presidente estasaun votasaun. Iha práтика, asesu fiziku ne'ebé difisil ba estasaun votasaun sai hanesan obstáculo ida ba partisipasaun política ba ema ho defisiénsia barak. Partisipasaun política ema ho defisiénsia sira-nian hanesan kandidatu besik la iha, só de'it partidu Os Verdes, ne'ebé nia kandidatu ne'ebé lidera iha difikuldade vizual.

*Rekomendasauñ: Dezenvolve informasaun publiqua, materiál votasaun no ekipamentu ne'ebé asesivel ba eleitor ho defisiénsia sira.*

## Justisa Eleitorál

**Númeru keixa formál ne'ebé uitoan de'it mak hatama iha CNE, no ofensa eleitorál balun mak hetan investigasaun husi Gabinete Prokurador-Jeral.**

CNE iha autoridade atu deside kona-ba keixa eleitorál ne'ebé kandidatu sira hato'o durante faze oin-oin iha prosesu eleitorál, maibé Supremu Tribunal Justisa nu'udar desizaun ikus iha asuntu eleitorál. Tribunal Rekursu hamriik iha fatin husi Tribunal Supremu Justisa ne'ebé seidauk harii<sup>14</sup>. Aleinde hala'o funsaun rejistru partidu político sira, Tribunal Rekursu verifika kandidatu ba rekizitu elijibilidade no sertifika rezultadu eleisaun final sira. Kandidatu no partidu político sira konsidera Tribunal Rekursu nu'udar imparsial bainhira julgamentu ba disputa eleitorál.

Enkuadramentu legál no regulamentu sira-ne'e fó oportunidade suficiente ba eleitor no reprezentante kandidatu sira atu hato'o keixa no rekursu sira durante faze hotu-hotu prosesu eleitorál nian, hahú husi votante no rejistru kandidatu sira liu husi sertifikasaun ba rezultadu final sira. Lei ne'e prevee petisaun eleitorál ba Tribunal Rekursu kontra desizaun administrasaun eleitorál nian.

Keixa formál balu apresenta ba CNE, sira hotu iha relasaun ho insidente kampaña ki'ik. Irregularidade sira rejistru iha Baucau no Manatuto, iha ne'ebé kampaña ne'e envolve uza símbolu sira husi grupu arte marsiais no rituál sira hodi asosiadu ho partidu político. *Persandaan Setia Hati Terate* no

<sup>14</sup> Dezde MOE UE tinan 2022, Lei No. 12/2022 kona-ba Organizasaun Judisiariu introdús no prevee katak Tribunal Supremu tenke estabelese molok Juñu 2025.

*Ikatan Kera Sakti* hetan avizu atu pára ho saida mak CNE konsidera nu'udar krime eleitorál. CNE identifika momentu balun iha ne'ebé partidu político sira falla atu respeita kalendáriu kampaña eleitorál, no husu ba sira atu halo esforsu atu ko'alia besik liu ho autoridade eleitorál sira iha nível lokál. Nune'e mós, partidu político sira hetan avizu atu labele uza labarik sira ba objetivu kampaña.

Durante tabulasaun nacionál, CNE simu keixa haat, rua deside administrativamente no rua haruka ba Prokurador-Jeral atu halo investigasaun tan. Votu kontestadu 515 mak CNE halo revizaun durante tabulasaun nacionál. Dezafiu barak liu mak relasiona ho ajente kandidatu sira-nia la-konformidade ho desizaun ne'ebé ofisiál votasaun sira foti kona-ba validade votasaun. CNE halo revizaun ba votasaun hotu-hotu ne'ebé hetan dezafiu ho maneira transparente no eficiente.

Loron balu liu loron eleisaun, Portavós Polísia Nasionál Timor-Leste (PNTL) relata katak sira rejista krime eleitorál 10 durante prosesu eleitorál. Sira-ne'e barak liu mak iha Bobonaro no Dili. Durante períodu kampaña nian, CNE envolve iha mediasaun no servisu hamutuk ho polísia atu rezolve disputa sira ne'ebé relasiona ho problema ki'ik entre kandidatu sira.

Utilizasaun patrimóniu públiku hanesan fatin, materiál, karreta, rekursu finanseiru no umanu ba kampaña ne'e bandu ho klaru. Ho responsabilidade supervizaun kampaña nian, Provedoria Direitus Umanus no Justisa no Inspesaun Jerál envolve pesoál atu monitoriza violasaun. Maske la funsiona, Komisaun Anti-Korrupsaun halo investigasaun ba keixa balun. Hanesan iha eleisaun sira uluk nian, utilizasaun karreta estadu nian ba objetivu kampaña nian identifika hanesan problema ida.

#### *Asaun ne'ebé hala'o husi Prokuradoria Jerál*

Iha tempu hakerek relatóriu ne'e, ofensa eleitorál hamutuk 17 rejistru ona husi Gabinete Prokurador-Jeral. Ida-ne'e relasiona ho períodu kampaña, loron eleisaun, no durante kontajen votu. Gabinete Dili rejista kazu rua ne'ebé relasiona ho atividade kampaña eleitorál ilegal, Gabinete Viqueque rejista kazu lima kona-ba atividade kampaña ilegal, Gabinete Covalima rejista kazu ida-ne'ebé relasiona ho fraude eleitorál, no Gabinete RAEOA rejista kazu hitu ne'ebé obstáculo ba kandidatura no kazu rua ne'ebé obstáculo ba liberdade. Kazu hotu-hotu ne'ebé rejistru tiha ona sei investiga hela, balun ho asisténsia husi PNTL no KAK.

#### **Votasaun, Kontajen, no Tabulasaun husi Rezultadu sira**

Memburu MPE UE na'in rua la iha mandatu atu hala'o observasaun sistemátiku ba atividade loron eleitorál nian, maibé vizita sentru votasaun oin-oin iha Dili no sentru tabulasaun sira iha Dili no Gleno. Iha parte-interesada barak rekoñese katak autoridade eleitorál sira hala'o prosesu votasaun profisionál no kontajen iha prazu ne'ebé presiza. Nune'e mós, tanba práтика ne'e komún iha Timor-Leste ba partidu político no kandidatu sira atu simu rezultadu, hatudu katak iha nível konfiansa ne'ebé forte ba imparsialidade órgaun jestaun eleitorál sira.

##### *A. Votasaun*

Bainhira hato'o kartaun eleitór, eleitór sira bele hala'o sira-nia votasaun iha kualkér Estasaun Votu iha unidade jeográfika suku nian ne'ebé sira rejistru. Envezde kartaun eleitór, bele apresenta kartaun identifikasiunaun nacionál ka pasaporte. Iha kazu hotu-hotu, eleitór nia naran tenke mosu iha rejistru eleitór nian ba suku ne'e. Hanesan medida seguransa adisionál ida, boletín votu sira hakerek no asina iha kotuk molok entrega ba eleitór. Votante sira-nia liman-fuan indikadór iha liman loos marka ho tinta ne'ebé la bele hamoos hafoin sira tuir votasaun hodi prevene vota dala barak. Nu'udar práтика di'ak, eleitór sira ne'ebé iha defisiénsia vizualmente ka fizikamente hetan preferénsia liu no bele ezerse sira-nia direitu ba votasaun akompanha hosi eleitór ida-ne'ebé sira hili. La iha dadus kona-ba número ema ho defisiénsia sira ne'ebé rejistru atu vota.

CNE, iha sira-nia kapasidade fiskalizasaun, klarifika katak maske insidente ki'ik izoladu, loron eleisaun ne'e hala'o iha ambiente ida-ne'ebé kalma no dame. Iha entrevista komunikasaun sosiál ida, diretor STAE konkorda ho sentimentu ida-ne'e, hodi hatutan katak iha kazu votasaun nian ne'ebé la'o ba oin, maibé autoridade eleitorál halo asaun lailais atu korrije kualkér fraku. Ida ne'e observa husi MPE UE iha vizita ida ba Sentru Votasaun iha Dili.

#### *B. Kontajen*

Hafoin votasaun taka, kontajen ba boletín votu akontese iha sentru votasaun ida-idak. Kaixa votasaun iha sentru votasaun ida kahur no sura votu sira. Ajente partidu político no observador nasional sira bele tuir prosesu ne'e. Enkuadramentu legal ne'ebé prevee katak kopia rezultadu sira-ne'e tenke fahe ba ajente partidu sira, no formuláriu rezultadu sentru votasaun ne'ebé publika iha li'ur kada sentru votasaun. Kontajen iha diaspora completa iha embaixada no konsuladu sira, no rezultadu sira haruka ba CNE husi korreiu diplomático iha loron tolu nia laran. Seguransa ba perimetru estasaun votasaun nian garante husi prezensa polísia nian. La iha insidente sira ne'ebé akontese hale'u sentru kontajen sira ne'ebé autoridade sira relata.

#### *C. Tabulasaun husi Rezultadu sira*

STAE mak responsavel ba tabulasaun munisípiu iha munisípiu 13 hotu-hotu no RAEAOA. Tabulasaun munisípiu konklui iha prazu oras 48 husi votasaun taka. Tabulasaun rezultadu munisípiu nian bazeia ba formuláriu rezultadu sentru votasaun nian, no hahú bainhira pelumenus rezultadu sentru votasaun lima entrega ba sentru munisípiu sira. Iha tabulasaun munisípiu tomak, STAE anunsia rezultadu provizóriu ne'ebé fahe liu husi komunikasaun sosiál estadu nian RTTL. Enkuadramentu legal ne'e prevee katak rezultadu provizóriu sira tenke publika iha li'ur husi sentru tabulasaun ida-idak, no kopia sira ne'ebé fó ba ajente partidu sira. Hanesan prática internasional ne'ebé di'ak, publikasaun ba rezultadu hotu-hotu husi sentru votasaun nian iha website sentralizadu sei fó transparénsia liután ba prosesu ne'e.

Ho konkluaun husi tabulasaun munisípiu nian, CNE hala'o tabulasaun nasional ida ba rezultadu sentru votasaun nian, ne'ebé independente husi tabulasaun ne'ebé STAE halo. Prosesu ne'e tuir prosedimentu simples, no rezultadu progresivu sira disponivel online no iha sentru tabulasaun nasional CNE nian. Ajente partidu, observador no média sira iha asesu ba faze hotu-hotu iha prosesu eleitoral. Iha prazu legal durante loron neen nia laran, CNE completa no publika rezultadu nasional provizóriu sira.

Iha loron 1 Juñu, hafoin período oras 48 remata atu rekursu ba rezultadu provizóriu nasional sira, CNE haruka ba Tribunal Rekursu formuláriu tabulasaun nasional no rezultadu diaspora (ata apuramento) ho deklarasaun ne'ebé loos katak la iha rekursu.

#### **Rezultadu no ambiente pós eleitoral**

##### ***Votu desizivu ba CNRT no lakon substancial ba FRETILIN no PLP.***

Iha loron 6 Juñu, Tribunal Rekursu aprova no anunsia rezultadu final sira.

Xanana Gusmão nia CNRT nu'udar manán-na'in klaru iha votasaun lejislativu, maibé besik maioria absoluta. CNRT hetan votu 288,289 (41.63 porcento) ne'ebé tradús ba kadeira 31 ka aumenta kadeira 10 ba nia rezultadu 2018. CNRT iha votasaun ne'ebé forte liu kompara ho votasaun kombinadu ba forsa política tolu ne'ebé konstitui governu agora. CNRT mós manán votu diaspora. Segundo mak FRETILIN ho votu 178,338 (porcento 25.75) no kadeira 19, ne'ebé reprezenta menus kadeira 4. FRETILIN manán de'it iha sira-nia munisípiu tradisional ne'ebé forte iha Baucau, Lautem no Viqueque.

Tuir mai ne'e mak PD, KHUNTO, no PLP, hetan porsentu 64,517 (9.32 %, kadeira 6), 52,031 (7.51 %,, kadeira 5), no 40,720 (5.88 %, kadeira 4). PLP nia partisipasaun kadeira dezde 2018 tun metade. Nivel partisipasaun besik 80 porsentu, no 48 porsentu votante mak feto. Totál porsentu 98 hosi votasaun válidu. Partidu político na'in sanulu-resin-rua hetan menus husi porsentu haat, no hanesan ne'e la elijivel atu asesu ba alokasaun kadeira. *Partido os Verdes de Timor no Partido Unidade e Desenvolvimento Democrático* de'it mak besik atu liu 4%. Nune'e, parlamentu foun sei iha bankada partidu lima envezde ualu iha lejislatura uluk. (haree Aneksu A - Rezultadu Eleisaun Final).

\*\*\*\*\*

## REKOMENDASAUN SIRA (Rekomendasau prioritária iha bold)

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJONÁL
ENKUADRAMENTU LEGAL					
1	<p><i>Enkuadramentu ne'e habelar iha lei oin-oin ne'ebé la organiza hamutuk, balun tanba introdusaun ad hoc husi alterasaun ba lei no regulamentu sira antes eleisaun ida-idak no la hala'o revizaun sistemátiku ba lei sira. Ezemplu kona-ba ambiguidade legál inklui ámbitu ne'ebé la hanesan husi responsabilidade fiskalizasaun ba CNE kona-ba finansas kampaña, rejistru eleitor, no monitorizasaun média, no falta klareza kona-ba espesifikasi saun kona-ba dezeňu no símbolu votasaun prezidensiál. Lejislasaun eleitorál aprova iha lian ofisiál ida husi NASAUN ne'e, portugés, maibé la tradús sistemátiku ba lian Tetun.</i></p> <p><i>(Relatório Final, página 6)</i></p>	<p><b>Konsolida lejislasaun eleitorál hotu-hotu ba Kódigu Eleitorál ida-ne'ebé konsistente no unifikadu, ho akompaña regulamentu eleitorál sira ne'ebé disponivel iha lian Portugés no Tetun</b></p>	<p>Sistematizasaun husi lei eleitorál iha Kódigu Eleitorál no Regulamentu sira</p>	<p>Parlamentu Nasional Partisipasaun no input husi CNE no STAE</p>	<p><i>Transparénsia no asesu ba informasaun ICCPR, Artigu 19 (2): "Ema hotu iha direitu ba liberdade espresaun; direitu ida-ne'e inklui liberdade atu buka, simu no fahe informasaun no ideia oioin, maski iha fronteira, hakerek ka halo impresaun, ho forma arte, ka liu husi média seluk ne'ebé sira hili."</i></p> <p><i>UNCAC, Artigu 13 (1): "Kada Partidu Estadu tenke foti medida ne'ebé adekuadu, iha ninia meius no tuir prinsípiu fundamentál sira iha ninia lei doméstika, atu promove partisipasaun ativu husi individuál no grupu sira ne'ebé la'ós iha setór públiku, atu prevene korrupsaun no hasa'e konxiénsia públiku kona-ba ezisténsia, kauza no gravidade no ameasa ne'ebé korrupsaun hamosu. Partisipasaun ida-ne'e tenke reforsa liu husi medida sira hanesan: (b) Asegura katak públiku iha asesu efetivu ba informasaun."</i></p> <p><i>Revizaun Periódika Universal (2016): "Atu asegura katak dokumentu legál hotu-hotu, inklui lejislasaun no esbosu</i></p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSABEL	PRINSIPIU/KOMPROMISU INTERNASIONÁL / REJONÁL
					<i>lejislasaun, disponivel iha lian Tetun no Portugés" (rekomendasaun ne'ebé Timor-Leste simu, 2017).</i>
2	<p><i>Alterasaun datoluk ba Lei Órgaun Administrasaun Eleitorál ne'ebé aprova ona iha 28 Jullu 2021 inklui rekizitu ba CNE atu hetan konsultasaun husi governu kona-ba esbosu regulamentu ba implementasaun lei eleitorál sira. Governu la halo konsultasaun kompletu ba CNE bainhira prepara regulamentu foun sira, hanesan ho esbosu dekretu governu nian ne'ebé, se lei ne'e pasa tiha ona, regula tiha ona Lei Eleisaun Parlamentu Nasional.</i></p> <p><i>(Relatório Final, página 7)</i></p>	<b>Konsulta CNE ho maneira konsistente no sistemátku bainhira prepara kuadru reguladór ba eleisaun.</b>	Presiza implementasaun husi Art. 8(1)(c) husi Lei No.16/2021 kona ba Órgaun Administrasaun Eleitorál	Governu	<p><i>Estadu Direitu UNHRC, Rezolusaun 19/36, para. 16 (c): "Estadu sira atu haka'as an nafatin atu hametin estadu direitu no promove demokrasia liu husi: asegura katak nivel seguransa legál no previzibilidade ne'ebé suficiente prevee iha aplikasaun lei, atu nune'e bele evita arbitrariedade ruma."</i></p>
3	<p><i>Esforsu tarde atu altera lei eleitorál la konstitui práтика lejizlativa ne'ebé di'ak no risku atu kria inserteza no menus konfiansa iha kuadru jurídiku. Ho fulan tolu de'it molok eleisaun tinan 2023, Parlamentu haruka lei ba promulgasaun prezidensiál hodi altera Lei No. 9/2017 kona-ba Eleisaun Parlamentu Nasional.</i></p> <p><i>(Relatório Final, página 6)</i></p>	<b>Halo reforma legál, inklui introdusaun regulamentu, sedu iha siklu eleitorál atu fó tempu ba parte interesada sira atu komprende no prepara ba regra foun sira.</b>	Korresaun ba enkuadramento legal eleitorál	Parlamentu Nasional Governu	<p><i>Estadu Direitu (Atu asegura seguransa legál no previzibilidade)</i></p> <p><i>ICCPR, Artigu 2 (2): "Kada Partidu Estadu nian ba Aliansa ne'ebé oras ne'e hala'o hodi halo pasu sira ne'ebé presiza, tuir ninia prosesu konstitusionál sira no ho provizaun sira husi Aliansa ne'e, atu adopta lei sira ka medida sira seluk ne'ebé bele fó efeitu ba direitu sira ne'ebé rekoñese iha Aliansa ne'e."</i></p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSABEL	PRINSIPIU/KOMPROMISU INTERNASIONÁL / REJIONÁL
<b>ADMINISTRASAUN ELEITORÁL</b>					
4	<p>Transparénsia iha prosesu foti desizaun CNE no komunikasaun públiku la muda husi eleisaun tinan 2022, ho nivel fahe informasaun ne'ebé satisfatóriu. CNE publika deliberasaun plenária estraordinária iha jornál ofisiál, maibé la publika deliberasaun plenária baibain. Informasaun ne'e publika iha CNE nia página Facebook hafoin reuniaun ida-idak no fó informasaun kona-ba asuntu sira ne'ebé diskute iha reuniaun plenária.</p> <p>(Relatório Final, página 9)</p>	<p>Publika deliberasaun hotu kona ba prosesu eleisaun iha jornál ofisiál .</p>	La presiza	CNE	<p>Transparénsia no asesu ba informasaun Regulamentu internu Komisaun Nasional Eleisaun, 19 Janeiru 2017. Artigu 31 (7) kona-ba Sorumtu sira CNE nian: "Iha sorumtu ida-idak nia rohan fó sai komunikadu imprensa ida, ho referénsia ba asuntu sira ne'ebé diskute ona no halo deliberasaun."</p> <p>Artigu 35, Publisidade kona-ba asaun CNE nian: " deliberasaun CNE nian hanesan dokumentu públiku, publika iha CNES nia sítiu ofisiál iha internét"</p> <p>ICCPR Artigu 2 (2) (haree iha leten)</p>
<b>FINANSIAMENTU KAMPAÑA</b>					
5	<p>CNE nu'udar órgaun supervizaun ne'ebé responsavel, maibé la iha mandatu klaru atu supervisiona partidu polítku no finansiamentu kampaña. Knaar sira CNE nian iha área ida-ne'e hakerek iha Lei No. 2/2016 kona-ba Partidu Polítku sira, Lei No. 6/2008 kona-ba Finansiamentu Partidu Polítku sira no Dekretu Governu No. 18/2017 kona-ba Regulamentu Kampaña Eleitorál,</p>	<p><b>Haforsa fiskalizasaun finansas kampaña nian hodi fó ba CNE kompeténsia klaru iha área ida-ne'e no fó kbiit ba órgaun ida-ne'e atu hala'o papél ida-ne'ebé garante no proativu liu</b></p>	<p>Lei No.16/2021 kona ba Órgaun Administrasaun Eleitorál , Art. 8</p>	<p>Parlamentu Nasional</p>	<p>Prevensaun ba korrupsaun / Justisa iha kampaña eleitorál</p> <p>UNCAC, Artigu 7 (3): "Parte Estadu ida-idak tenke konsidera mós atu foti medida lejizativa no administrativa ne'ebé apropiadu, hodi hasa'e transparénsia iha finansiamentu ba kandidatura ba edifisiu públiku eleitu no, karik aplika, finansiamentu husi partidu polítku sira."</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
	<p>maibé mandatu ne'e la esplika iha Lei No. 16/2021 kona-ba Órgaun Administrasaun Eleitorál.</p> <p>(Relatório Final, página 12)</p>				
6	<p>Enkuadramentu legál ba finansas kampaña nian ne'e vagu no la kompletu. Lei ne'e la-iha diferensa entre partidu político sira ne'ebé iha reprezentasaun parlamentár no sira ne'ebé la iha ...</p> <p>Iha falta transparénsia ne'ebé boot, tanba lakuna iha lejislasaun inklui la iha definisaun klaru kona-ba doasaun, la iha rekizitu ba divulgasau ba doadór nia identidade no fonte rendimentu finanseiru hotu, no la iha rekizitu atu relata doasaun husi sasán. Ho la iha limite ba kontribuisaun doadór nian ka ba despeza kampaña nian, rezulta situasaun ne'ebé la hanesan entre kandidatu sira ne'ebé rekursu di'ak no ladún rekursu.</p> <p>Enkuadramentu legál la iha sansaun ne'ebé uniforme ka proporsional ba violasaun provizaun lei nian.</p> <p>(Relatório Final, página 13)</p>	<p><b>Revizaun ba regra finansas kampaña nian no rekizitu relatóriu nian atu hametin igualdade, transparénsia no responsabilidade iha prosesu eleitorál .</b></p>	<p>Lei No. 2/2016 kona ba Partidu Polítiku, Arts. 21-28</p> <p>Lei No.9/2017 kona ba Eleisaun husi Parlamentu Nasional</p> <p>Lei No. 6/2008 kona ba Finansiamantu husi Partidu Polítiku sira</p> <p>Dekretu Governamental No. 18/2017 Regula Kampaña Eleitorál</p>	<p>Parlamentu Nasional Governu</p>	<p>Prevensaun ba korrupsaun / justisa iha kampaña eleitorál; Estadu tenke foti pasu hirak ne'ebé presiza atu fó efeitu ba direitu</p> <p>UNCAC, Artigu 7 (3): "Kada Partidu Estadu mós tenke konsidera atu foti medida lejizativa no administrativa ne'ebé adekuadu, atu hasa'e transparénsia iha finansiamantu ba kandidatu ba eleitu públiku no, bainhira aplikavel, finansiamantu ba partidu político sira."</p> <p>UNCAC, Artigu 7 (4): "Kada Partidu Estadu tenke, tuir prinsípiu fundamental sira iha ninia lei doméstika, haka'as an atu adopta, mantein no hametin sistema sira ne'ebé promove transparénsia no prevene konflitu-interese."</p> <p>Komentáriu Jerál: "Kona-ba limitasaun ne'ebé razoavel ba despezas kampaña nian bele justifika iha fatin ne'ebé presiza atu asegura katak eleisaun ne'ebé libre ba votante sira labele estraga ka prosesu demokrátiku ne'ebé</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSABEL	PRINSIPIU/KOMPROMISU INTERNASIONÁL / REJIONÁL
					<i>estraga husi despezas ne'ebé la proporsional hodi kandidatu ka parte ruma nia naran."</i>
7	<p><i>Iha mós fundu públiku ho forma subsídiu kampaña ba kandidatu sira. Ida ne'e pozitivu katak nia apoia partisipasaun eleitorál ne'ebé luan liu, maibé enkuadramento ne'e falta previziabilidade ho lakuna pagamentu potensiál ne'ebé luan. Bazeia ba Lei No. 2/2016 kona-ba Partidu Polítiku, kada kandidatu iha direitu atu simu subsídiu entre USD 1 no 10 ba kada votu ne'ebé hetan. Nu'udar rezultadu, partidu polítiku sira tenke depende ba sira-nia fundu no doasaun rasik atu kobre despeza kampaña nian, ne'ebé parese sai dezafiu ba partidu ki'ik sira ne'ebé iha rekursu menus.... Desizaun sira kona-ba pagamentu subsídiu hirak-ne'e ikus liu ba governu hafoin eleisaun, no fó karakter arbitráriu ba prosedimentu ne'e.</i></p> <p><i>(Relatório Final, página 13)</i></p>	<p><i>Introdús seguransa no responsabilidade ba alokasaun subsídiu kampaña nian atu administra husi CNE</i></p>	<p>Lei No. 2/2016 kona ba Partidu Polítiku , Art. 16g</p> <p>Lei No.9/2017 kona ba Eleisaun husi Parlamentu Nasional</p> <p>Lei No. 6/2008 kona ba Finansiamentu husi Partidu Polítiku sira Art. 4(4) no 11</p> <p>Dekretu Governamental No. 18/2017 Regula Kampaña Eleitorál</p> <p>Dekretu Governamental ne'ebé define valór husi subsídiu kampaña</p>	<p>Parlamentu Nasional Governu</p>	<p><i>Prevensaun ba korrupsaun / justisa iha kampaña eleitorál</i></p> <p><i>Komentáriu Jerál: "Kona-ba limitasaun ne'ebé razoavel ba despezas kampaña nian bele justifika iha fatin ne'ebé presiza atu asegura katak eleisaun ne'ebé livre ba votante sira labele estraga ka prosesu demokráтиku ne'ebé estraga husi despezas ne'ebé la proporsional hodi kandidatu ka parte ruma nia naran."</i></p> <p><i>UNCAC, Artigu 7 (3): "Kada Partidu Estadu mós tenke konsidera atu foti medida lejizlativa no administrativa ne'ebé adekuadu, atu hasa'e transparénsia iha finansiamentu ba kandidatu ba eleitu públiku no, bainhira aplikavel, finansiamentu ba partidu político sira."</i></p> <p><i>UNCAC, Artigu 7 (4): "Kada Partidu Estadu tenke, tuir prinsípiu fundamental sira iha ninia lei doméstika, haka'as an atu adopta, mantein no hametin sistema sira ne'ebé promove transparénsia no prevene konflitu-interese."</i></p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
<b>MEDIA</b>					
8	<p>CNE tenke verifika média públiku sira-nia kumprimentu ba prinsípiu kampaña nian. Dekretu Governu n.o 18/2017 kona-ba kampaña eleitorál ne'e inklui prinsípiu sira ne'ebé komunikasaun sosiál públiku nian tenke kumpre, inklui liberdade ba publisidade eleitorál, imparsialidade, no oportunidade no tratamento ne'ebé hanesan. Maske iha responsabilidade atu verifika kumprimentu, CNE falta podér sansaun no bele fó de'it avizu bainhira deteta irregularidade ka husu intervensaun hosi autoridade kompetente sira. Iha kazu sira ne'ebé la kumpre beibeik, CNE bele hahú prosedimentu kriminál ba ida ne'e.</p> <p>(Relatório Final, página 15)</p>	<p>define liután medida sira, hanesan autoridade ba sansaun, atu permite CNE atu kumpre di'ak liután ninia mandatu atu tau matan ba adezaun média nian ba prinsípiu kampaña nian, inklui igualdade oportunidade no tratamento ba kandidatu hotu-hotu.</p>	<p>Lei No.9/2017 kona ba Eleisaun husi Parlamentu Nasionál Dekretu Governamental No. 18/2017 Regula Kampaña Eleitorál</p>	<p>Parlamentu Nasionál Governu</p>	<p>Justisa iha kampaña eleitorál ICCPR Artigu 19 (2): "Ema hotu-hotu iha direitu ba liberdade opiniaun no espresaun; direitu ida-ne'e inklui liberdade atu kaer opiniaun ne'ebé la iha interferénsia, buka, simu, no fahe informasaun liu husi meiu komunikasaun sosiál ruma, maski iha fronteira, hakerek ka halo impresaun, iha forma arte, ka média seluk ne'ebé nia hili."</p>
9	<p>Tanba rádiu komunitáriu sira nafatin sai nu'udar fonte informasaun ne'ebé importante liu, Konsellu Imprensa rekomenda atu aumenta apoio hodi hadi'a sira-nia sustentabilidade finanseira. Parseiru projetu eleisaun husi Plan Internasional ne'ebé finansia husi UE, Fundasaun Patria, envolve rádiu komunitáriu sira iha munisípiu haat atu fó formasaun ba jornalista sira kona-ba eleisaun. CNE no STAE</p>	<p>Aumenta apoio finanseiru no tékniku ba rádiu komunitáriu sira, enkuantu respeita sira-nia independénsia editoriál, atu nune'e sira bele fahe informasaun eleitorál ne'ebé di'ak liu.</p>	<p>La presiza</p>	<p>Governu</p>	<p>Transparénsia no asesu ba informasaun ICCPR Artigu 19 (2): "Ema hotu-hotu iha direitu ba liberdade opiniaun no espresaun; direitu ida-ne'e inklui liberdade atu kaer opiniaun ne'ebé la iha interferénsia, buka, simu, no fahe informasaun liu husi meiu komunikasaun sosiál ruma, maski iha fronteira, hakerek ka halo impresaun,</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSABEL	PRINSIPIU/KOMPROMISU INTERNASIONÁL / REJIONÁL
	<p>envolve rádiu komunitáriu sira iha sira-nia esforsu atu habelar edukasaun ba eleitor no informasaun sívika, no partisipa iha programa rádiu sira kona-ba asuntu eleitorál sira.</p> <p>(Relatório Final, página 15)</p>				<p><i>iha forma arte, ka média seluk ne'ebé nia hili.</i></p>
10	<p>Matadalan Nasional kona-ba Relatório Eleitorál husi Konsellu Imprensa esplika katak setór notísia sira labele hato'o publisidade política. Tuir lei, publisidade política presiza anúnsiu ida atu identifika mensajen hirak-ne'e nu'udar tempu livre (direitu de antena). Ko'alia-na'in sira ne'ebé ko'alia ho MPE UE nian, inklui Konsellu Imprensa, refere ba nesesidade atu halo diferença ne'ebé klaru entre konteúdo editoriál no publisidade. Ida ne'e tenke realiza liu husi identifikasaun ba reklamasaun política hanesan ne'e, no só habelar de'it iha parte notísia nian.</p> <p>(Relatório Final, página 16)</p>	<p><i>Distinsaun entre konteúdo editoriál no reklamasaun liu husi asegura katak reklamasaun política identifika ho klaru hanesan ne'e, no transmisaun iha parte li'ur husi setór notísia.</i></p>	<p>La presiza</p>	<p>RTTL</p>	<p>Transparénsia no asesu ba informasaun</p> <p>ICCPR Artigu 19 (2): "Ema hotu-hotu iha direitu ba liberdade opiniaun no espresaun; direitu ida-ne'e inklui liberdade atu kaer opiniaun ne'ebé la iha interferénsia, buka, simu, no fahe informasaun liu husi meu komunikasaun sosiál ruma, maski iha fronteira, hakerek ka halo impresaun, iha forma arte, ka média seluk ne'ebé nia hili."</p> <p>Lei Komunikasaun Sosiál 2014, Artigu 33 (3): "Insersaun materiál reklamasaun iha komunikasaun sosiál labele estraga ninia independénsia editoriál."</p> <p>Matadalan Relatório Eleitorál ba Jornalista no Komunikasaun Sosiál, ne'ebé fó sai husi Governu Timor-Leste no Konsellu Imprensa ho apoiu husi PNUD no Governu Japaun, Matadalan</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
					5: "Media iha direitu atu inklui reklamaun política iha sira-nia kanál informasaun; sira-nia jornalista no apresentadór notísia sira labele promove diretamente informasaun kona-ba partidu político ka kandidatu sira. Liután ne'e, setór notísia labele fó sai anúnsiu político sira."
<b>MEDIA SOSIAL</b>					
11	<p>Monitorizasaun komunikasaun sosiál komprehensivu ne'ebé hala'o husi MPE UE tinan 2022 hatudu katak: "Anúnsiu ne'ebé selu iha média sosiál uza barak liu husi kandidatu sira ne'ebé lidera no ho transparénsia uitoan. Meta, kompañia ne'ebé na'in ba Facebook, klasifika eleisaun Timor nian hanesan risku ki'ik no, tanba la iha envolvimentu ruma hosi instituisaun Timor nian, plataforma ne'e nia instrumentu sira atu proteje eleisaun sira la atividu iha Timor-Leste. Hanesan ne'e, Meta nia Facebook Ad Library la hatudu dadus kona-ba orsamentu no audiénsia ba publisidade política, medida xave ida atu aumenta transparénsia ba despeza kampaña online." Situasaun iha tinan 2023 parese hanesan, la iha envolvimentu autoridade eleitorál nacionál ho plataforma média sosiál</p>	<p>Envolve iha diálogu konstrutivo ho plataforma média sosiál sira atu proteje ambiente kampaña online, kona ba publisidade política ne'ebé transparente no mekanizmu ne'ebé adekuadu atu responde ba tentativa potensiál sira iha manipulasaun informasaun.</p>	<p>La presiza</p>	<p>CNE SECOM</p>	<p>Justisa iha kampaña eleitorál ICCR, gC 25, para. 19: "Votante sira tenke bele forma opiniaun ho independente, livre husi violénsia ka ameasa husi violénsia, obrigasaun, indusaun ka interferénsia manipulativu husi kualkér tipu." UNCAC, Artigu 7 (3): "Kada Partidu Estadu mós tenke konsidera atu foti medida lejizlativa no administrativa ne'ebé adekuadu, atu hasa'e transparénsia iha finansiamentu ba kandidatu ba eleitu públiku no, bainhira aplikavel, finansiamentu ba partidu político sira." UNCAC, Artigu 7 (4): "Kada Partidu Estadu tenke, tuir prinsípiu fundamentál sira iha ninia lei doméstika, haka'as an atu adopta,</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
	<p>sira.</p> <p>(Relatório Final, página 17)</p>				<p><i>mantein no hametin sistema sira ne'ebé promove transparénsia no prevene konfilitu-interese.</i></p> <p><i>UN, OAS, OSSE Deklarasaun Konjunta kona-ba Liberdade Espresaun no Eleisaun Iha Idade dijital: "Asesu ba Informasaun Relasiona ho Eleisaun: ii) Parte no kandidatu sira tenke transparente iha tempu ne'ebé loos, inklui média, kona-ba sira-nia despeza ba eleisaun, liuliu, despeza ba média legál no dijital sira, no esforsu komunikasaun dijital sira seluk."</i></p> <p><i>UN, OAS, OSSE Deklarasaun Konjunta kona-ba Liberdade Espresaun no Eleisaun Iha Idade dijital: "Estadu sira tenke konsidera apoiu ba medida pozitivu sira hodi responde ba disininformasaun online, hanesan promosaun mekanizmu independente hodi halo verifikasiun ba faktu no kampaña edukasaun publika, no más evita adopta regra sira hodi kriminaliza disininformasaun."</i></p>

#### PARTICIPATION OF WOMEN

12	<p><i>Konstituisaun garante igualdade jéneru, no kota feto ida iha membru tolu hadi'a reprezentasaun jéneru iha Parlamentu Nasional. Timor-Leste</i></p>	<p>Promove medida efetiva sira, hanesan introdusaun kota ida, ba feto sira atu atinje</p>	<p>Lei No. 2/2016 kona ba Partidu Polítiku sira</p>	<p>Parlamentu Nasional Partidu</p>	<p><i>Partisipasaun feto iha asuntu públiku; Estadu tenke foti pasu hirak ne'ebé presiza atu fó efeitu ba direitu</i></p>
----	--	---	---	--	---

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
	<p>ratifika ona Konvensaun kona-ba Eliminasau Forma Diskriminasaun Hotu-hotu Kontra Feto (CEDAW). Maske nune'e, grupu feto sira konkorda katak maske iha ona progresu, papél patriarkál sosiál no jéneru nafatin relevante no kontribui atu lejítimiza papél sekundáriu ba feto sira.</p> <p>Programa Estratéjia Nasionál - Haforsa Lideransa no Partisipasaun Feto iha Eleisaun (2021-2025), iha kooperasaun ho Nasoins Unidas, Sekretaria Estadu Igualdade no Inklusaun, no CNE, envolve organizasaun sira ne'ebé lidera husi feto lokál iha formasaun, dezenvolvimentu kapasidade no promove partisipasaun ativu iha prosesu eleitorál sira. Enkuantu programa hirak-ne'e prodús susesu balun, feto sira-nia kapasidade atu atinje igualdade iha ezersísiu podér polítku presiza asaun seluk tan.</p> <p>(Relatório Final, página 18)</p>	paridade reprezentasaun iha pozisaun eleitu hotu-hotu no órgaun ezekutivu partidu nian.	Regulamentu kona ba Komisaun sira iha Parlamentu Nasionál	Polítiku	<p>CEDAW Art. 4 (1). "Adezaun husi Estadu Parte sira ba medida espesiál temporáriu sira ne'ebé ho objetivu atu aselera igualdade faktu entre mane no feto labele konsidera hanesan diskriminasaun."</p> <p>CEDAW Artigu 7: "Estadu Parte sira tenke foti medida hotu-hotu ne'ebé apropiadiu atu halakon diskriminasaun hasoru feto iha vida polítkica no públku nasaun nian."</p> <p>ICCP Artigu 3: "Estadu Parte sira iha Aliansa ne'e hala'o hodi garante direitu hanesan ba mane no feto sira atu haksolok ho direitu sívil no polítku hotu-hotu ne'ebé define ona iha Aliansa ne'e."</p> <p>Rezolusaun Asembleia Jerál ONU nian 66/130 kona ba Feto no Partisipasaun Polítkica</p>

#### PARTISIPASAUN HUSI EMA HO DEFISIÉNSIA

13	Maske iha rekomentasaun husi organizasaun defisiénsia sira, no medida espesíku atu fasilita sufrajiu ativu ba ema ho defisiénsia sira	Dezenvolve informasaun publika, materiál votasaun no ekipamentu ne'ebé	Lei Eleitorál	Parlamentu Nasionál CNE	Direitu no oportunidade atu partisipa iha asuntu públku no kaer eskritóriu; Estadu tenke foti pasu hirak ne'ebé
----	---	--	---------------	----------------------------	---

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSAVEL	PRINSIPIU/KOMPROMISU INTERNASIONÁL / REJIONÁL
	<p><i>introdús liu husi lei. Iha esforsu atu rezolve defisiénsia ida-ne'e, STAE konvida organizasaun ho defisiénsia RHTO atu hala'o formasaun oras ida ba prezidente estasaun votasaun. Iha práтика, asesu fíziku ne'ebé difisil ba estasaun votasaun sai hanesan obstáculo ida ba partisipasaun política ba ema ho defisiénsia barak.</i></p> <p><i>(Relatório Final, página 18)</i></p>	<p><i>asesivel ba eleitór ho defisiénsia sira .</i></p>		STAE	<p><i>presiza atu fó efeitu ba direitu.</i></p> <p><i>ICCR, Artigu 26: "Ema hotu-hotu hanesan iha lei nia oin no iha direitu atu la iha diskriminasaun ba protesaun ne'ebé hanesan."</i></p> <p><i>Konvensaun Nasoins Unidas nian kona-ba Direitu Ema ho Defisiénsia (vinD), Artigu 29: "Estadu Parte sira sei garante ba ema ho defisiénsia sira direitu político no oportunidade atu goza sira ho baze hanesan ho ema seluk, no sei hala'o:</i></p> <p>A) Atu asegura katak ema ho defisiénsia sira bele partisipa ho efetivu no kompletu iha vida política no públiku ho baze hanesan ho ema seluk diretamente ka liu hosi reprezentante sira ne'ebé hili ho livre, inklui direitu no oportunidade ba ema ho defisiénsia sira atu vota no eleitu, liu hosi:</p> <p>i. Asegura katak prosedimentu votasaun, facilidade no materiál sira appropriadu, asesivel, no fasil atu komprende no uza; ii. Proteje direitu ema ho defisiénsia sira-nian atu vota ho votu segredu iii. Garante livre espresaun ba ema ho defisiénsia sira-nia vontade nu'udar eleitorál no ba</p>

NO .	KONTESTU	REKOMENDASAUN SIRA	SUJESTAUN MUDANSA IHA ENKUADRAMENU LEGÁL	INSTITUISAUN RESPONSABEL	PRINSIPIU/KOMPROMISU INTERNASIONÁL / REJIONÁL
					<p><i>ida-ne'e, bainhira presiza, tuir sira-nia pedidu, atu permite asisténsia iha votasaun husi ema ida-ne'ebé sira rasik hili;</i></p> <p><i>Deklarasaun Bali kona-ba hasa'e papél no partisipasaun ema ho defisiénsia sira iha Komunidade ASEAN.</i></p>

Konvensaun kona ba Eliminasaun husi Forma hotu husi Diskriminasaun Hasoru Feto (CEDAW)

Konvensaun kona ba Direitu sira husi Ema ho Defisiénsia (CPRD)

Paktu Internasional kona ba Direitu Sivíl no Polítiku sira (PIDSP)

*Konvensaun husi Nasoins Unidas Kontra Korrupsaun (UNCAC)*

Konsellu Direitus Umanus Nasoins Unidas nian (UNHRC)

## Aneksu A – Rezultadu Finál Eleisaun

### Rezultadu Finál Eleisaun Parlamentár, 21 Maiu 2023

Númeru total Ata	1,472 (100.00%)
Númeru total eleitor sira ne'ebé rejistru:	890,145
Númeru total votante sira:	705,693 of which 343,278 (48.64%) women, 362,415 (51.36%) men
taxa partisipasaun	79.28%
Total votu validu	692,521 (98.13%)
Total votu abandonadu	26
Total votu inválidu	10,387 (1.47%)
Total votu branku	2,698 (0.38%)
Total votu ne'ebé disputa	0 (0.00%)
Total votu ne'ebé rejeita	61 (0.01%)

Partidu polítiku	Votu
1 – PDN	597 (0.1%)
2 – PLPA	3,272 (0.5%)
3 – PLP	40,720 (5.9%)
4 – PD	64,517 (9.3%)
5 – KHUNTO	52,031 (7.5%)
6 – PVT	25,106 (3.6%)
7 – UDT	1,256 (0.2%)
8 – PUDD	21,647 (3.1%)
9 – PR	1,558 (0.2%)
10 – UNDERTIM	1,023 (0.1%)
11 – FRETILIN	178,338 (25.8%)
12 – CNRT	288,289 (41.6%)
13 – CASDT	3,170 (0.5%)
14 – MLPM	642 (0.1%)
15 – PST	2,415 (0.3%)
16 – PDC	1,262 (0.2%)
17 – APMT	6,678 (1.0%)

